

卷二

山川

附

名勝

水利

橋梁

卷三

都鄙

附

村莊

風俗

附

方言

直參

浦江縣志卷之二

輿地志第二

山川 山 岡 頂 尖 巖 洞 嶺 坪
坑 隄 原 江 湖 溪 源 潭

灘 泉 池 井

浦在羣峯之中山多而川小其有川者乃山下出泉之義也環浦皆山舉其大而名者其他不必述而識也導水自山舉其幹以及其支若網之在綱有條不紊也而靈秀所鍾日孕月毓而不可窮焉嗚呼誰之為哉志山川

龍峯山 縣東里許高三十丈周圍二里自仙華

浦江縣志

卷之二 山川

一

山逶迤騰躍而環於縣左峯巔有塔七成曰龍德塔塔之後曰東峯峯後復有山巽然而峙曰壽峯三山相屬傾伏回顧為縣治東之輔山

儒安山 縣東二里

李家山 縣東五里

龜山 縣東五里

湖山 縣東十里與茂山對立江水中流又名湖

山峽說者謂縣治水口此其第一關

茂山 縣東十里與湖山對峙

箬帽山 縣東十里



左溪山 縣東二十里

灰山 縣東二十里

登高山 縣東二十里有山特起眾峯閎高百餘

丈宋呂成公九日於此登高人景仰之故以為

名鄭仲涵有紀游序見藝文

大樊山 縣東二十五里

金芙蓉山 一名香巖山亦名蔣山在縣東二十

五里白麟溪香巖溪二源出焉吳清叟嘗登覽

賦詩以記其勝方希直過鄭氏香巖溪亭聯句

作序紀之序見藝文

浦江縣志 卷之二 山川 二

大樣山 縣東二十五里

元麓山 縣東二十六里下有飛泉宋濂與鄭源

數觀之作飛泉操鼓之琴書諸崖石又嘗采蘭

至山瞻顧泉石情思煜煜因賦元麓八景詩漆

書崖石入景者一桃花澗二鳳簫臺三釣雪磯

四翠霞屏五飲鶴川六五折泉七飛雨洞八蕊

珠巖

獨山 縣東三十里孝門橋水自西南赴浦陽江

此山介立江濱適當其口

東明山 縣東三十里大澤中隱然突起元青田

尉鄭德璋創精舍於此以教其族人內有成性繼善四勿九思四齋旁有水一泓曰靈淵宋景濂嘗與鄭氏諸弟子暨天台方希直講學其中有二石刻乃元揭文安侯斯所撰鄭氏孝友傳今尚存

三角山 在仁義里見宋集

青蘿山 縣東三十里高五十丈峯頂圓粹左側呀豁丈許名小龍門山以南皆平壤元至正三年宋濂築青蘿山房自金華徙居於此偶閱宋嘉定時官給地券知所居左右原名宋公園因

浦江縣志

卷之二 山川

三

嘆爲前定園北有二石高尺餘每春夏有水出俗呼爲龍眼山溪盤繞於其東南有石梁曰孝門橋橋去宋居不百步

宋濂有青蘿山遷居志

按邑中名龍門者凡五一在青蘿山一在劉源一在城寶山一在壺盤山一在金院

黃崑山 在靈泉鄉見宋集

松溪山 縣東三十里

康侯山 縣東三十二里其上有康侯廟并墓故名又別名海塘山

球山 縣東四十里一名球山峽隔江爲楊家塢爲縣治水口之第二關

黃墅山 縣東四十里又十里而界於諸暨

鷄冠山 縣東北五十里於諸山為最高天晴明

時可俯瞰二百里外蒼茫中見一線微白者蓋

錢塘江也相連有三十六岡宋淳祐中有神降

於山自稱漢刺史至今廟祀之

泄水山 在縣東北近桐廬界崇岡峻嶺古木陰

森山半飛瀑奔騰一江卷雪人謂有靈物棲焉

水旱禱之輒應宋建炎三年建龍王廟

右關山 縣東南十五里

花山 縣東南十五里

浦江縣志 卷之二 山川 四

豬頭山 縣東南十七里

石牛山 縣東南三十五里名勝志山側有池池

中有石牛水涸即見見呂東萊入越錄

官巖山 舊名康侯山俗以其形蹲踞如獅子又

名獅子巖在縣東南三十五里高一百餘丈周

十五里唐僧祖登捐身禱雨於此山皆赤黑色

其勢拔起羣峯間東西視之形各不同或如覆

盆或如人髻或如人側首而蹲半山有穴若屋

可容十餘人絕頂稍平有宋胡侍郎廟廟旁小

池深三尺許周二十五丈俗名龍潭久雨不增

大旱不滅山麓溪橋曰定龍橋爲行旅衝要
石臺盤山 縣南二里高爽平曠明太祖取金華
命李文忠下浦江與諸暨張士誠相拒暨旂設
烽墩於此

駱山 縣南五里

辛山 縣南五里在周公山之西亦曰辛山尖

犁壁山 縣南五里在雷公尖下

百墩山 縣南八里

西山 縣南十里

周公山 一名周公尖一名雷公山有東雷公西

浦江縣志

卷之二 山川

五

雷公在縣南十里狀若巨人儼然幃幄中元釋
自闕云仙華雷公相爲主賓蓋仙華爲縣主山
而此則向山也

鶴塘山 縣南十五里

白石山 縣南十五里石色微白故名槁溪之源
出此山有龍湫能出雲爲雨浦陽十詠所謂白
石湫雲是也明初張孟兼居此著有白石山房
稿

高峯山 一名貴人峯亦曰貴人尖在縣南十五
里峯形峻卓如插筆然山下有廣仁教寺

烏蜀山 縣南三十里與麀獅巖連其山突然中起衆峯若拱若揖左右環衛西南有石室元待制柳貫居其下按倪尚忠西湖塘記作烏淑

荆山 縣南三十里

黃茅山 縣南三十里宋錢遜梅執禮二尚書之居隸焉

施禮山 在通化鄉見宋集

七星山 縣南三十里聯絡如七星

老虎尖山 一名擂鼓尖縣南三十五里拔起衆山閒如大將登壇羣阜陳列爲一方瞻仰山半

浦江縣志 卷之二 山川 六 爲密溪巖

石壁山 縣南三十五里巔阮壁立俯瞰清溪相傳古村民修楔於此

大覺山 縣南三十五里
西康山 縣南四十里老虎尖之分支也峻麗如

筆架落日棲霞晚眺尤勝康音辣與康不同舊志作康誤

九龍山 縣南四十五里有廟

鷄頭山 縣西南二里

白巖山 縣西南四里

保安山 縣西南五里俯瞰江濱山水輝映境邃

而人寂後晉天福間建寺山麓曰保安蓋因山
而名寺也山頂有巖巖下有罅深不可測山下
爲宋倪石陵朴故居

城寶山 在縣西南三十里有龍門之勝洪橋溪
水發源於此

鐵甲山 縣西南三十五里虎尖山之分支也巖
窠鱗次山多安石榴花開如錦袍裼甲明嘉靖
三十五年山裂數十丈越五六日復合如故

小嵩山 縣西南三十五里蘭谿之西有嵩山山
有中岳廟元季邑人蔣鏞築寨保聚岳神効靈

浦江縣志

卷之二

山川

七

後遷居邑之墩頭并遷廟於此故名

按山在墩頭之東

壺盤山

縣西南五十五里在金華北山之北高

出衆山龍門之勝在焉

七寶山

在城西見宋集

伏蟾山

一名福全山在縣西一里高十餘丈周

一里其脉自杭口山支分逶迤縣右乃縣治西
之輔山也元陳樵嘗賦詩以紀其勝明初於山

陰置漏澤園

後吳山

縣西十里

右巖山

縣西十里

穀樹山 縣西十二里亦呼鼓槌山

四全山 一名四全巖在縣西十五里形家謂山具金木火土四星故名

廣明山 縣西十五里下爲明德寺吳越時有魏王嘗食邑浦江卒葬是山其墓猶存

無萊山 一名無萊峯在縣西三十里圓若覆鐘高摩蒼宇山腰有嶺下有黃檗菴

深裏山 縣西五十里重峯複嶺峭拔千仞其下溪流清徹瑩無泥滓卽浦陽江之發源也元吳萊舉進士不第退歸於此四方學者稱曰深裏

浦江縣志

卷之二 山川

八

先生

圭山 在縣西深裏溪所經見吳集

亭山 縣北二里在月泉東三十步有大阜若覆箕高數丈以舊有高遠亭故稱亭山城中人煙稠疊雉堞參差俱可憑眺

黃郭山 縣北五里

仙華山 縣北十里俗名仙姑山高一百五十丈周二十五里亦名少女峯鄭輯之東陽志謂軒轅少女元修於此上昇故名其山五筆插天四面成形觀者神仄稍左竹巖斜方如玉尺隄建

下坪夷曠可容數十家再左一山名華柱山俊
偉端凝署居正北則縣後屏矣其間層嶂疊翠
峭崿峻嶒懸崖千尺下臨幽絕隆冬積雪清冷
之致徹人肌骨謝臬羽謂遠望若芝掌浮空而
立吳淵穎謂如芙蓉翠蓮如彩鳳騰霄胡太常
謂諸峯蒼翠金華北山不能過僧自間謂仙華
雷公相爲主賓宋景濂謂浦江壤地雖不越百
里仙華山拔地而起奇形偉觀如旌旂如寶蓮
花如鐵馬臨關而大江之水又如白虬蜿蜒斜
絡乎其前實天地間秀絕之區也舊志云一邑

浦江縣志

卷之二 山川

九

之勝概縣治之主山名勝志云仙華山東溪之
源出焉中一峯與東峯尤極峻懸巖百仞有穴

深黑風從中出

按山麓爲昭靈宮從此數十盤而上徑左有穴深黑不測與鼎

湖通更上有峽如劍脊險峻非常俗名薄刀
美過峽而北下有洞曰清虛俗名織縉洞復
繞南而上至二巖地稍平廣不及畝有廟三
楹貌仙姑之像又東上其路益峭削偏仄如
上青天半空有鐵索二處山援之始可上其
頂曰頭巖巖平處不過數分四面皆懸崖千
仞築石室一間亦貌神像登此一覽但見峯
巒紛糾林壑微茫平地鳥飛半天人語其當
前一綫微白如神龍還繞者浦
陽江也直不知身居何地矣

明神宗萬曆三十年知縣須之彥創梵宇於
竹巖下坪置香田三畝九分四釐地四畝四
分九釐在四都五保爲字結字號 懷宗崇
禎六年知縣吳瓚復搆文昌祠於後增置田

四畝五分一釐宿字號 國朝康熙十二年
知縣毛文楚增置田十五畝六分一釐塘三
口俱爲字號 邑人張德行助田一畝張德
至助田一畝張一淵助田一畝四分六釐宿
字號張德嗣助田五分趙志和助田二畝六
分八釐東陽許生員助田一畝七分三釐塘
五釐俱四都四保結字號永康朱子亮助
田一畝五分六釐俱十六都九保豈字號

寶掌山 縣北十里與仙華山近唐僧寶掌棲禪
處也舊名里浦山又名浦巖寶掌初至山下遇
一老人謂曰此中有石窟如方丈曰浦巖宜有
道者居之掌因結茅焉人遂以其名名山山前
雙峯列峙凜若健士守關循峯沿澗入可百餘
步奇石森植若獸若鐘鼎若刀戟旂鼓諸奇狀

浦江縣志

卷之二 山川

十

稍前有高巖卽老人所指石窟也顛有巨石玲
瓏類斲削成遙望翩然如欲飛舞相傳寶掌晏
坐時雷電交作石忽湧出故名飛來峯峯下有
泉極甘冽又折而北有石離立藤葛中曰五通
游戲峯云掌誦般若五通來聽因名中有石洞
三俱幽絕可玩宋呂成公祖謙曾讀書山中
鳳山 在仙華之麓宋趙崇袍於此植梅數里謂
之梅塢明張應槐仍舊址結廬曰三陽小隱
藥壺山 一名寶靈巖在縣北仙華山東二三里
巖側雲嵐草木相掩映日東影射遠望氤氳若

丹光浮動其初總謂之仙巖宋謝翱取其狀類藥壺故別名之

皇安山 一作黃安在縣北二十里上有石井教寺

登高山 縣北十五里外曰登高口再進為登高

山其高百餘丈

按鄭仲涵登高山九日紀遊序云山在縣東二十里呂東萊太

史嘗於九日登之各志乘皆承其說而今人多指此山為呂公登高之所

茅廬山 縣西北十五里高百丈廣三十餘丈橫

亘八九里上有峭壁疊嶂層巖如重樓複閣諸

山四面環拱若屏幄然邑之名山仙華外惟此

浦江縣志

卷之二

山川

十一

最奇秀

橘閣山 縣北十五里

馬後山 縣北十五里

胡張山 縣北二十里

大樓山 縣北二十里

八角山 一名八角尖一名卦尖縣北二十里

小孤山 縣北三十里巉巖峭立人不能升

大孤山 縣北四十里在小孤北刻峭特立上銳

下削無可扳援而旁巒環拱映帶清溪流峙交

翠蓋獨勝也下有崇因院

按省志府志皆作孤舊作姑誤

錢塘山 縣北六十里

栗岡山 縣北四十里

石路山 縣北四十里

赤巖山 縣北四十里在象山間舊浙江通志作

青巖

響巖山 縣北五十里巖石常推下有聲故名大

泐與檀溪二水流其下踰盤洲金沙環折萬山

間入富陽江

羸隄山 一名羸侯山在縣北五十里與響巖山

聯峙

浦江縣志

卷之二 山川

十二

胡頭山 縣北八十里

獨秀山 縣北八十五里

蕩釜山 縣北九十里

按與赤巖羸隄隔五六十里舊志云與爲聯峙誤

鳳凰山 縣北九十里

九靈山 縣北九十里北鄉山惟此最高山有九

峯元季戴良居此自號九靈山人有九靈山房

集

大靈山 縣北一百里

左溪山 縣東北二十五里舊有齊雲閣今不存

惟唐僧元朗墓在亂石間前有巨石高丈餘廣

如之石面平正可鑄相傳元朗示寂時鬼神夜
瘞諸此或謂卯風太急移石障之因名卯風石
巖坑山 縣東北五十里山水分流東曰巖坑水
北曰湖溪水抵富陽以達於浙江

江公山 縣東北六十里山形如鷄足高出羣峯
登眺則越中諸山雲浮海立奔駛騰突奇崛萬
狀皆在指顧開唐貞元中釋靈默住此有伏虎
事

龜山 縣西北二里與月泉近五山錯落相傳爲
五龜朝北斗云

浦江縣志

卷之二 山川

十三

清遠山 洞天福地記第十六福地在浦陽縣今
不可考

以上山

七里岡 縣東七里過此二里又有九里岡

吳山岡 縣南十里

虎尖岡 縣南三十七里

牛山岡 縣西南四里

駱山岡 縣西南七里

三十六岡 縣東北四十五里自鷄冠山迤邐而
來重巒複嶂前後相屬參差不齊人行其上如

登霄漢

舊志作縣東二十五里誤

鷲毛岡

縣北九十里

天唐岡

縣北百里

以上岡

石壁頂

縣西南五里

派頂

縣北三十五里

雪塔頂

縣北六十五里

接石頂

一名馬嶺在縣南二十里嶺上有石如

塔高十丈餘三接而成陳本固有詩

以上頂

浦江縣志

卷之二

山川

十四

挂鐘尖

縣南五十里鎮梅溪水口臨蘭谿界

富潤尖

縣北十五里

水銀尖

縣北六十五里

鷄頭尖

縣北七十里

黃鱗尖

縣北八十里

筆架尖

縣北九十里

石佛尖

縣北九十里

大山尖

縣北九十里

地棧尖

縣西十里

以上尖

結祝巖 縣南十五里

胡孫巖 縣南十五里

鹿獅巖 縣南三十五里與烏蜀山連元柳待制

讀書之石室也廣十丈餘高深各三丈餘高敞

坦夷可容百餘人今里人奉釋伽於中揭號慈

雲

八師巖 縣南三十里

轉輪巖 縣南三十五里與鹿獅近狀如車輪峻

絕不可攀其上夷曠可數畝餘有宋侍郎胡則

廟裡祓多應

浦江縣志

卷之二 山川

十五

觀巖 縣南三十五里渾然中峙色長青其頂有

泓涓涓不竭即椒泉也

六合巖 縣南三十五里

皎月巖 縣東十五里

轉靈巖 縣東二十里

三聖巖 縣東三十里

夏巖 一作下巖又名四全巖縣東四十里嵌空

處深三丈餘高丈餘濶二丈餘有靈順別祠

金龍巖 縣北十里

石宴巖 近寶掌山見仙釋

鷄脫巖 縣北十五里

獨山巖 縣北十五里

金陵巖 縣北十五里

鬪雞巖 縣北二十五里兩峯對立

獅子巖 縣北三十里與康侯山一名獅子巖者

別

虎頭巖 縣北八十五里

東巖 縣西十二里廣六七丈高丈餘深二三丈

有松雪菴倚巖為殿

開口巖 縣西南五里

浦江縣志 卷之二 山川 十六

密溪巖 縣西南四十里廣二十餘丈高深各三

丈餘爽塏砥平儼若堂宇冬溫夏冷巖前瀑布

如珠簾邑人倪尙忠納涼於此作密溪洞天賦

舊志作縣南三十五里誤

以上巖

通海洞 縣南二十里

慈雲洞 縣南三十里在麈獅巖下

扁擔洞 縣東南三十五里康侯山之東北高廣

踰尋丈穹然成屋其中多棲蒼隼亦多蝙蝠俗

呼皮翼洞

皮翼洞 縣北十里

清虛洞 縣北十里仙華山之腰洞廣四五丈深二丈餘其上石壁鑿清虛洞三大字俗稱織錯

洞

寶掌三洞 縣北十里由寶掌寺捫蘿而上得一

石洞爽塏可坐百人泉滴石上成蘚不可置足東行相對巨巖巖趾又有二洞其一空廓寥迥可旁達處十數以足頓地蓼之如鼓聲其一溫然如春可久坐外有石扉互峙望之不見洞相傳寶掌時跌坐其中卒化焉人稱經洞亦稱千

浦江縣志

卷之二 山川

十七

歲長老洞宋謝翺有自巖麓尋泉至三石洞記

又遊石洞夜坐記

按經洞柳集作看經得道洞

破石洞 縣北三十里有寺或云卽白巖洞

棲雲洞 縣北六十里俗名野猫洞

石向洞 縣西北二十五里洞內有寺寺前嶺上

兩峯競秀東峯上有石佛其形上大下小

陳搏洞 縣西十里

九龍洞 縣西南四里牛山岡中洞凡九其最大

者約高三丈廣六丈深五丈最小者高廣深約各一丈此岡之後爲保安巖

紫雲洞 縣西南七里其洞長四丈餘深三丈餘
高丈餘有寺

以上洞

東山嶺 縣東一里上有真武廟明萬歷時知縣
文元發建陽春亭後圯崇禎時知縣吳應台重
建南為接官亭西為演武場東為養濟院北為
漏澤園平林廣野秋常多陰浦陽十詠居其一

烏兒嶺 縣東三里

金獅嶺 縣東五里

于大公嶺 縣東八里

浦江縣志 卷之二 山川 十八

新嶺 縣東十里

峻嶺 縣東十二里

馬嶺 縣東十五里

黃塘嶺 縣東十五里

黃梅嶺 縣東二十里

球門嶺 縣東二十五里

茅嶺 縣東三十里

石姥嶺 縣東四十里

七架嶺 縣東四十里

松溪嶺 縣東四十里

延壽嶺 縣東四十里

跌水嶺 縣東四十里

黃墅嶺 縣東四十五里

步虛嶺 縣東南三十里與義烏縣界

小嶺 縣南五里

五路嶺 縣南十里長五里自縣至郡城所經

桐塢嶺 縣南十五里

大黃嶺 縣南十五里

城頭嶺 縣南十五里

白泥嶺 縣南十五里

浦江縣志 卷之二 山川 十九

遮卜嶺 縣南二十里

和嶺 縣南三十里

白倉嶺 縣南四十里

太陽嶺 縣南五十里高與太陽齊故名嶺頂為

金浦二縣之界故有金浦菴菴旁有亭以憇行

者

國朝乾隆四十一年知縣薛鼎銘新其亭名曰界

雲

楊嶺 縣西南六里

十八置嶺 縣西南七里

茨新嶺 縣西南三十里

橫木嶺 縣西南五十五里與蘭谿縣界

張家嶺 縣西十里

唐嶺 縣西十里

桃嶺 縣西十五里嶺下水東南流經茅橋入江

山丫嶺 縣西二十里稍西有西丫嶺

何茨嶺 縣西三十里

井坑嶺 縣西四十里嚴州府建德縣界宋鄭剛

中有詩

大巖嶺 縣西五十里

浦江縣志

卷之二 山川

二十

擣米嶺 縣西北五里

杭口嶺 縣西北十里

塘雪嶺 縣西北三十里

截柘嶺 縣西北四十里嚴州府建德縣界

夷嶺 縣西北 里舊志云截柘嶺為西北咽

喉而此嶺亦閘道險要也

朱塢嶺 縣北五里

赤土嶺 縣北五里

黃嶺 縣北八里

楓樹嶺 縣北八里

金坑嶺 縣北十里

大花嶺 縣北十里

出跡嶺 縣北十五里

姚八嶺 縣北十五里

彭嶺 縣北十五里

石井寺嶺 縣北二十里

奇休嶺 縣北二十里

後瞿嶺 縣北二十五里

除巖嶺 縣北二十五里

寺平嶺 縣北二十五里

浦江縣志 卷之二 山川 廿一

海豹嶺 縣北三十里

湯胎嶺 縣北三十里

石梯嶺 縣北三十里

東嶺 縣北三十里

小嶺 縣北三十里

黃嶺 縣北三十里

白巖嶺 縣北三十五里左溪之源出焉與大嶺

之水合流而下又名雙溪東流入浦陽江府志作縣

南誤

西嶺 縣北三十五里有大小二嶺

車方嶺 縣北三十五里

前黃嶺 縣北四十里

截角嶺 縣北四十里

苦嶺 縣北四十五里

丫方嶺 縣北四十五里

石母嶺 縣北四十五里

檀皮嶺 縣北五十里

百石嶺 縣北五十里

馬嶺 縣北五十里

馬母嶺 縣北五十里

浦江縣志

卷之二 山川 廿二

紫木嶺 縣北五十里

高唐嶺 縣北五十里

盤山嶺 縣北五十五里

紫會嶺 縣北六十里

羊腮嶺 縣北六十里

牛脊嶺 縣北六十里長三十里一名牛背嶺嚴

州府桐廬界

刁山嶺 縣北六十里

黃千嶺 縣北六十里二嶺皆與嚴州府桐廬界

蕩江嶺 縣北七十里有寺寺有嚴州府桐廬縣

界牌

名俗
公唐

喬竹嶺 縣北七十里 有寺嶺路皆砌石板

石嶺 縣北九十里

蜈蚣嶺 縣北九十里

狀元嶺 縣北九十里

金沙嶺 縣北九十里 杭州府富陽縣界

山和嶺 縣北九十五里 嚴州府桐廬縣界

西山嶺 縣東北五里

大嶺 縣東北三十里

茶竹嶺 一名淡竹嶺 縣東北五十里 自山趾至

浦江縣志

卷之二 山川

廿三

巔凡十八盤 上有古神祠

楊塘嶺 縣東北九十里 紹興府諸暨縣界

貧營嶺 一名斤竹嶺 俗名車嶺 在縣東北九十

里

以上嶺

葉山坪 縣南十五里

蚪樹坪 縣東北四十里

栗樹坪 縣東北九十里

師姑坪 縣東北九十里

太作坪 縣北十里

杭口坪 縣北十五里

茶坪 縣北二十五里

方坪 縣北二十五里

灰磊坪 縣北三十里

寺坪 縣北三十里

司公坪 縣北三十五里

大坪 縣北四十里

大山坪 縣北六十里

和尚坪 在縣西坪故有吉祥寺由深窵入吳處

士廬焉見吳集

浦江縣志

卷之二 山川

廿四

以上坪

陳鳳坑 縣南三里

竹塞坑 一名觸膝坑縣南三十里兩山合翠高

入雲霄行者履石以進石危傷足

木杓坑 縣南三十五里

塘慈坑 縣東三十里

考坑 縣東北五十里

金坑 縣北十里恆有奇黃沙色轉入西菴有內

外龍門內龍門兩山石壁奏合如構成衙衙高

十數仞下有龍窟紺泉外龍門屈曲重關如屯

軍堆甲武備森然有石峯插天亦謂之小仙姑山

柯坑 縣北二十里有裏外二坑

滂坑 縣北六十里

茶源坑 縣北六十里

師坑 縣北九十里

龍潭坑 縣北九十里

中坑 縣北九十五里

西鵑坑 縣北九十五里

五泄西坑 縣北九十五里紹興府諸暨縣界其

浦江縣志 卷之二 山川 廿五

下即五泄西龍潭

斤竹坑 縣東北九十里貧營嶺下杭州府富陽

縣界

龜坑 縣西北七十五里坑底有潭正黑四旁做

若釜鬻不可駐足內多獼猴每栗熟輒羣至民

患之 潭水入湖源

銀坑 縣西三十里恆有白光躍伏 或云在縣西四十里即井

坑入浦陽江

以上坑

葉塢 縣南七十里

馬塘鵑 縣南三十里

下梅塢 縣南三十里在荆山之麓

裏朱塢 縣東二十五里

梅石塢 縣東三十五里

正塢 縣東四十里

蘆塢 縣東北三里

厚業塢 縣東北四十里

冷塢 縣東北五十里

楊宅塢 縣東北五十五里

梅塢 縣北六里

浦江縣志 卷之二 山川 廿六

東莊塢 縣北八里

小樓塢 縣北二十五里

猫竹塢 縣北二十五里

上馬塢 縣北三十里

結樹塢 縣北三十里

馬塢 縣北四十里

雪塢 縣北四十里

落塢 縣北七十五里

深溪塢 縣北八十里

時塢 亦曰時塢坪縣北八十里

唐鵑 縣北八十五里

賢塢 縣北九十里

益大塢 縣西北十五里

裏塢 縣西五里

朱塢 縣西五里

徐塢 縣西十里

盍塢 縣西十里

金塢 縣西四十里

張盤塢 縣西南五十里

以上塢

浦江縣志

卷之二

山川

廿七

鳳凰原 縣南五十里通化鄉

五里原 縣東三里

懸柏原 縣東二十五里

以上原

浦陽江 舊志去縣南一里許其源出縣西深裏

山中東流三十餘里繞縣郭之南復東注逶迤

百餘里入紹興諸暨境始通舟又綿延二百餘

里以入於海 明史地理志浣江即浦陽亦曰

青弋江 紹興府志錢清江係浦陽江下流浦

陽江其源出金華府浦江縣北流一百餘里入

諸暨縣與東江合流至官浦浮於紀家滙東北
過峽山又北至臨浦注於山陰之麻溪北過烏
石山爲烏石江又北而東至錢清鎮則名錢清
江又東入於海今開磧堰以通上流塞麻溪壩
以防泛溢而江分爲二 新紹興府志舊志注
云浦江一源分爲二派其說實非乃是二源二
派也謂曹娥未溺之先其江亦名浦陽得之矣
按今嵎縣之西南與義烏接界義烏之西與浦
江接界兩接界處其山自東而西馳水分八字
山陽之水入嵎爲曹娥山背之水入諸暨爲浣

浦江縣志

卷之二

山川

廿八

江浣又分而爲二一達山陰之錢清由白洋入
海一達蕭山之臨浦由錢塘入海此實蹟也今
之義烏與嵎縣接界處舊必隸浦江後析入義
烏者故曹娥江亦名浦陽耳

按一源二派乃指江之發源深裏山也二源二派乃指今義烏東陽之閩萬壑所趨源分南北一入嵎爲曹娥一入諸暨爲浣江者也二說判然不同若專指深裏一源與曹娥曠隔白里脈絡不通而曹娥之亦名浦陽江諸書確鑿其說何居其爲二源二派之說者則又僅以山陽山背言之置深裏於不論何其踈略也今合而參之酈道元水經注謂浦陽江導源烏傷考唐武德七年始改烏傷爲義烏垂拱二年復分縣地置東陽縣天寶十三年又分縣地置浦江縣道元係北魏人在唐以前所稱烏傷乃統指今之義烏東陽浦江三縣之地而言其發

源不一故派亦殊途未容舉其東而遺其西也
又諸暨志引章大修之言謂嵎縣西南與義烏
接界考義烏志東南到東陽縣界五十里謂義
烏未分東陽以前與嵎縣接界則可既分以後
義烏與嵎縣之界東陽之何云接界哉又謂義
烏與嵎縣接界處舊必隸浦江後析入義烏者
故曹娥江亦名浦陽此更失考聞以義烏析入
浦江未聞以浦江析入義烏也總之浦陽之水
其發源於今義烏東陽之境者一入嵎縣為曹娥
一達諸暨為浣江斷無可疑而浦邑深裏發源
之水亦入諸暨會合為浣江浣江又分爲二一
入錢清一入浙江耳義烏浦江東陽唐以後雖
分三縣在道元時都屬烏傷故曰浦陽江導源
烏傷其源同縣故江亦同名章大修未究其源
以致莫窮其委遂疑曹娥不在浦邑境內而亦
以浦陽稱或因浦江析地之故真臆說也

明張元忭浦陽江考嘉奉會稽志曰禹貢三江

既入震澤底定章昭云三江者松江錢塘江浦

浦江縣志

卷之二 山川

廿九

陽江蓋江之名尚矣越絕云浦陽者越王句踐

兵敗眾憊於此故曰浦陽去山陰五十里今土

人以錢清為古浦陽也

此指浦陽江之經諸暨由錢清入海者

道元水經注浦陽江導源烏傷縣

導源烏傷末嘗實指源出

何山但浦陽江其流甚長則其源不一深裏發源特其一耳

東逕諸暨與泄

溪合

此指烏傷西北境今浦江義烏之水入諸暨為浣江者也浦邑之發源深裏山者入

於諸暨豐江義烏之洪巡溪演溪又深溪發源於龍所酥溪發源於清潭亦入諸暨豐江其諸暨之

開化溪兩源皆從東陽來但東陽水北流入諸暨不可言東逕此水經注之遺漏耳五泄溪發源富

陽山東流由竹橋入諸暨即浦陽江下流也

東迴北轉逕剡縣縣開

東門向江江廣一百餘步

此指烏傷東境今東陽之水入嵎為曹娥

者也刻縣郎嶧縣嶧在東陽之東北故云東廻
北轉紹興府志云刻溪在縣南一百五十步北
注與曹娥江接其源自東陽之玉山東流合天
台奉化寧海所入之水會於縣城又云曹娥江
界會虞二縣中又名上虞江其源自刻溪來東
折而北至曹娥廟前又北至龍山下名舜江又
西北折入於海此水經注之確証也若將此幾
句與上文連看謂由諸暨而東廻北轉以至刻
縣則決不可通矣
乃是另指一派耳

江合謂之浦陽江

永興即蕭山縣漢曰餘暨吳曰永興此指浦陽之由錢

唐入海者漢書潘水即浦陽江別名自外無水以應

之又云浦陽江東北逕始寧縣嶠山其北即嶠

浦又云東逕上虞縣南至莽之會稽名虞賓此皆

指曹娥江也又云餘暨之南餘姚西北浙江與浦陽

浦江縣志

卷之二 山川

三十

江同歸海又引闕駟十三州志江水至會稽與

浙江合自臨浦南通此二條皆指浦陽之由錢唐入海者浦陽江

其說不一自相抵牾按水經注並無矛盾因其
中分列別派未經指出似

平滄錯若分別觀之自有頭緒謝惠連西陵遇風詩昨發浦陽

汭今宿浙江湄韻譜云水之相入為汭又云水

北曰汭自浦陽江北流入浙江二水參錯其名

曰汭宜矣始寧今上虞縣嶠浦嶠山皆屬嶧縣

虞賓屬上虞又接餘姚江臨平湖在浙江以西

其源殊別忽及臨平湖殊不可解餘暨即諸暨距餘姚二

百餘里謂餘姚西北浙江入海非也蓋此江東

北流自山陰會稽沂曹娥江逆流而上曰沂水性下流豈能上行

始至上虞餘姚嵊縣謂東廻北轉入上虞嵊縣

始可矣道元未嘗身履浙東故其誤如此後人

遂誤此江為上虞江其失寔邈其說支離牽強無此水道反以

道元為誤真可異矣以地理考之自浦陽江至曹娥百餘

里豈當時曹娥之名未著亦名浦陽邪或陵谷

遷變舊流不循故道邪十道志浦陽江有琵琶

圻岸有曹娥碑信此則曹娥即浦陽江爾文選

注浦陽納經上虞謝康樂山居賦浦陽江自嵎

山東北逕太康湖其說皆誤嘉奉志既知曹娥即浦陽何以又斤

浦江縣志 卷之二 山川 三一

為誤況道元固未嘗身履浙東豈謝康樂桑梓之地自注其賦亦不問水名不知水道若此邪

今山陰二十里有柯橋其下為柯水然則浦陽

江與柯水一源由蕭山達於浙江古今不易也

按紹興志無柯水但有柯橋云其下即柯水特臆見耳况柯水既在山陰何水經云東北經蕭

山邪漢地志上虞縣仇亭柯水東入海但亦與東北經永興不合闕之可也今按以

係張元怵之言上虞縣志曹娥江始實名浦陽其源自

東小江亦由浦江來曹娥江與發源浦邑者無涉此上虞志之謬也十

道志婺州浦江江之導源出此此言浣江一派耳是知

浦江一源而分二派二派之說然也一源非是一直由諸暨

直下至山陰蕭山間為錢清鄞所謂逕諸暨與

洩溪合餘暨之南與浙江同歸海至會稽與浙江合自臨浦南通者皆是也一則紆而東按浦邑之

水祇達諸暨並無紆而東經東義以至嵗縣者總由專執深憂一派將曹娥浣江都由浦邑發源不得不創為又紆而東之一說實則毫無影子至嵗縣出始寧門乃

折而北至上虞會稽閑為曹娥江鄞所謂東廻

北轉逕剡縣始寧虞賓餘姚西北者皆是也謝

康樂山居日擊為賦又自為注不應有誤惠連

謂昨發今宿若錢清似不須隔宿餘暨乃蕭山

舊名非諸暨曹娥未溺之前江固當有名且今

曹娥廟當運河渡口故其名特著若稍南稍北

浦江縣志 卷之二 山川 三二

又自不以曹娥名謂當時曹娥名未著亦名浦

陽似與酈說未甚牴牾但身則實未至浙東祇

據籍隳括不免稍有淆錯耳元怵將曹娥浣江分爲二派於水經

注大略相符因受誤於上虞志專指浦邑一源失其水道甚矣著書之難也 按省志及紹興

府屬各志俱載此篇而諸說互有參錯閱者如在雲霧中故附載之而存其辨論焉

按禹貢三江既入諸說紛紜以震澤底定之義揆之斷指揚子江吳松江錢唐江三者蓋揚子

入海於西北錢唐入海於西南吳松江入海於東北四面之水皆有所歸而居中之震澤得以蓄

洩自如安瀾而無患此二句括盡東南治水成功形勢不特禹功無二史材亦千古無雙後人

聚訟何為哉三江本在吳越境內故國語云與我爭三江五湖之利者非吳邪而韋昭注國語

指以為吳松江錢唐浦陽若謂此即禹貢之三江則浦陽在浙東震澤何與若謂指吳越相爭之

界所而別有所云吳越三江者則松江遠在吳地非屬境上說亦難通總之明乎既入底定之旨則由國語之三江即可得禹貢三江之所在而韋昭之說及外此所謂松江婁江東江與夫北江中江南江之非俱不辨自明矣至若越之有三江曰蕭山志稱浦陽曹娥及四江合流入海與韋注國語之三江無涉也浦陽曹娥二名而實一名一名而實二派水道絕不相蒙並列爲三亦非大謬浦陽在浦邑境內者至今猶稱浦陽江入諸暨則隨地易名爲浣江猶之曹娥也前此曹娥固入海浣江亦達錢清而歸於尾閭其入浙江者特分流之一故舊志云浦陽以獨入海而名之爲江也自麻溪築壩故道已失麻溪之說若何蓋江水經麻溪之南岸以達於錢清者山陰境也經麻溪之北岸以達於錢清者蕭山地也山陰蕭山欲遏江水內溢之勢明天順中太守彭公諱相視臨浦迤北有一山在江中名曰磧堰因鑿通之合浦陽江水直趨磧堰北流以與富春江合並歸錢唐入海仍築壩臨浦以斷內趨之路後人復於麻溪築石壩橫

浦江縣志 卷之二 山川 三三

亘南北內地始無江水衝入而嗣是浦陽江無復有錢清入海之路專趨錢唐以同歸於海矣粵稽浦邑向通潮汐故有潮溪海潮與江水相抵故溪流停蓄可資灌溉自麻溪既築海潮紆遠又僅入磧堰一錢閒稍狹暨邑而浦地之聽潮樓久爲虛設又地勢最高縱得大雨江水無所抵拒頃刻直瀉諸暨閭諸暨受浦江東陽義烏之水故浦江常苦旱而諸暨常苦潦所由來也且前此微婺循處杭嚴諸水在蕭山之源浦西北十餘里東北入錢唐之大江若夫槩浦江之水經臨浦麻溪是謂小江大江小江各自入海故水勢猶殺以令觀之而漁浦一帶柁桿不可支矣蓋三衢之水東流龍游經蕭溪嚴州富陽直抵漁浦而匯於錢唐此上江之經流也其所受支流尤多若金華溫處之水自蘭溪入徽州之水自嚴州入新城分水之水自桐廬入皆東注之其漁浦之南則槩浦江也受諸暨浦江義烏東陽之水經臨浦磧堰而北注之東注與北注之水彙合而相攻擊錢唐江又挾海潮而進當春夏淫雨時山洪驟發外潮怒張隄防

雖固力不能支蕭邑近隄之民幾有魚鼈之慮然則積堰之開臨浦麻溪之築欲除水患而患更大焉觀蕭山志黃九臯言曰前此大江在縣西北小江在縣東南素不相涉自鑿積堰築麻溪壩由是槩浦江與大江合而爲一以漁浦爲匯國而西江水患從此滋甚深惟斯論或彭公此舉有得而不免有失邪善哉孟子言禹之治水行其所無事也此可以訓萬世矣

以上江

東湖 縣西南三十五里

西湖 縣西南四十里 以上二湖詳水利

南湖 縣西北二里

以上湖

北境之榦水曰湖溪縣北二十里源出西北建德

浦江縣志 卷之二 山川 三四

界之截柘嶺舊載發源巖杭山名湖源不知巖杭山泉特衆水所歸之一耳東流入十里合檀溪而北流山峽中繚繞紆迴越蕩江嶺桐盧境數里復經浦抵杭州富陽縣以達於浙江會北境之細流而成大溪者也其衆流之屬曰茜溪檀溪劍溪

茜溪 縣北六十里南流經破石洞入湖源

檀溪 縣北六十里經會龍橋入湖源明張元諭

有檀溪八景詩

劍溪 縣北九十里西流入湖源

五泄溪 五泄山在婺杭越三州之交因山有五級故名五泄有東西二潭東潭與浦邑無涉西潭北自富陽山來流十數里有西龍潭祈雨甚靈西龍潭之山西岸屬富陽東岸屬浦江土名西坑橫路係廿九都地與石門諸山相隣西潭之源直長二十餘里五泄七十二峯在西龍潭者居多其十餘峯屬浦江山自西坑橫路南出三里卽諸暨地與東潭合而南流折而東五十里經諸暨縣竹橋入若耶溪卽浦陽江下流也

按此溪不入湖源另載北境諸溪之後

浦江縣志

卷之二 山川

三五

中境之榦水曰浦陽江源出井坑嶺東流二十里別名吳溪在縣西十里吳涓倡月泉吟社於此北有深憲山湧泉爲裏溪南流數十里入之故舊載發源深裏溪因吳萊著書於此山中地以人傳耳又逶迤東流二十里繞郭之南名南江十詠所謂南江夕照是也再東流二十里別名潮溪有魚鱗之產十詠所謂潮溪夜漁是也再越二十餘里至楊家牌俗稱界牌入紹興府諸暨縣境曰豐江始通舟楫由豐江曰綿延二百餘里入海會西東之衆流而成江者也其衆流

之屬曰壽溪深裏溪桑溪大箬溪小箬溪真溪
西溪東溪中埂溪槁溪派溪澄溪左溪深溪白
麟溪松溪碧溪下柳溪

壽溪 縣西二十里南流與深裏溪並注吳溪
深裏溪 縣西四十里

桑溪 縣西三十里

大箬溪 縣西十五里

小箬溪 縣西十里

真溪 縣西十里

西溪 縣西一里源出杭口山南入浦陽江

浦江縣志 卷之二 山川 三六

東溪 縣東一里源出仙華山蜿蜒繞壽峯環流
如帶南入浦陽江

中埂溪 縣東十里

宋溪 縣東南十里

槁溪 縣東南十餘里源出白石山東入浦陽江
以溪當涸故名

派溪 縣東北八里一發源於仙華山梅塢一發
源於寶掌山至此兩派合流經七里橋入浦陽

江

澄溪 縣東南二十五里源出義烏之分水塘北

流入縣境歷經戚宅戚邨橋張學官三處次經治平寺寺東泰平橋陸出義烏者道必由此至下吳邨而入浦陽江

左溪 縣東二十里源出白巖嶺大嶺閘兩源合流而下故又名雙溪南流數十里經洪公橋之下流又名八合溪注浦陽江

深溪 縣東二十二里在王家祠東北百餘步其

溪經水閣塘自北而南義門王氏居於此舊志說今更正之

白麟溪 縣東二十五里源出金芙蓉山東南流

浦江縣志

卷之二 山川

三七

入浦陽江義門鄭氏居此鄭氏遠祖名白麟此溪所由得名也

松溪 縣東四十里

碧溪 縣東四十里南流入浦陽江

下柳溪 縣東四十二里南流注浦陽江

南境之榦水曰梅溪源出雷公城竇諸山西流二十里南有黃茅山出小水經宋尙書梅執禮宅前因名梅溪北流數里許入大溪今通稱大溪爲梅溪自東徂西橫亘南境越六十里至橫木入蘭溪彙南境之細流而成溪者也其眾流之

屬曰橫溪蜀溪梅溪黃沙溪石溪

橫溪 縣西二十五里北流經松柏橋入梅溪

蜀溪 縣西南三十里源出烏蜀山北流入梅溪

梅溪 此係古名之梅溪即黃茅山所出者

黃沙溪 縣西南五十里源出太陽嶺北流入梅

溪

石溪 縣西南四十餘里北流入梅溪

以上溪

麗水源 縣南十五里入浦陽江

白石源 縣東南十五里

浦江縣志 卷之二 山川 三八

石榔源 縣東二十五里源出淡竹嶺入浦陽江

西源 在縣東左溪山見宋集

華塘山源 縣東南三十里

曹源 縣北三十里

大孤源 縣北六十里

小孤源 縣北七十里合大孤源入湖源

磊石源 縣西八里

界牌源 縣西十八里入浦陽江

羅源 縣西二十里

長富源 縣西四十里

華源 在桑溪之西

以上源

赤壁潭 縣東一里東溪中最寬深處也

仙鶴潭 縣東四十里其溪自義烏北來折而東入諸暨山上有大石直下跨於潭其空處可通人行上有龍王廟祈禱歷驗相傳潭有二鶴時時隱現出沒因名

龍潭 縣南一里舊名龍溪歲旱禱之即應

靈澤潭 縣南十五里即白石湫也相傳神龍居之歲旱禱之即應宋嘉定三年知縣李知退以

浦江縣志

卷之二

山川

三九

應禱聞勅封靈澤侯元至正十一年縣尹蕭文質禱雨即應邑士夫賦喜雨詩戴良爲序

大王潭 縣北二十里

貓兒潭 縣北二十五里在虞姓家下

七臺潭 縣北五十里土名黃檀源裏

獅子潭 縣北六十里有巨石橫出潭中狀如獅子向爲河渚周姓放生處當春和水暖游魚百千成隊相貫而出軒簷鼓鬣傳爲美觀游人歌詠之

鱗潭 縣北六十五里過此爲嚴州府桐廬界

以上潭

中廣灘 縣北八十里

鷹紫灘 縣北一百里

浦及灘 縣北一百里

以上灘

椒泉 縣南三十五里在觀巖之頂取爾雅山預

曰椒之義謂之椒泉宋錢適築隄濬之名椒湖

塘 錢適有椒湖

飛錫泉 縣東二十二里在左溪寺之西廡下相

傳寺舊無泉寶掌與元朗遊飛錫引寶掌之泉

浦江縣志 卷之二 山川 四十

注之

孝感泉 在縣東二十五里白麟溪南宋鄭綺母

張性嗜溪水值旱鑿數仞不得泉綺慟哭其下

三日夜不息水為湧出俄頃溢丈餘人以為孝

感所致至今紺碧甘冽為第一泉御史王理銘

之

梅花泉 縣東三十里元鄭德璋築精舍於東明

山舍旁有水一泓曰靈淵淵東百步許有泉冷

然老梅橫蹲其上曰梅花泉

月泉 縣北二里源出縣北仙華山之下其泉隨

月爲消長自朔至望則盈自望至晦則退因名

按自宋政和三年知縣孫潮訪舊址疏爲曲池歲久墜塞嘉定十六年知縣趙崇萊治之咸淳三年知縣王霖龍復築塘以濟其泉明嘉靖五年暨崇禎六年先後重濬不一其地 國朝乾隆四十一年知縣薛鼎銘於作忠堂關帝舊座丁重濬

寶掌泉 在縣北十里寶掌山巖竇出泉極甘寒

雖盛夏漱之齒擊

以上泉

洗鉢池 縣東二十三里屬左溪寺唐李華作左

溪碑云洗鉢則羣猿來捧宋人傅會其說於寺

西南隅斬茅鑿土導別泉以成之其廣不盈丈

浦江縣志

卷之二

山川

四一

深不盈尺

放生池 縣東南一里龍德寺東宋咸淳元年知

縣王霖龍置井建亭於池上

以上池

四角井 縣西一里深不踰尋尺而泉水甘冽居

民朝夕汲之不盈不涸其名甚著邑中

樂山井 縣西二十五里

金井 縣西三十里在深裏先生松山小隱之旁

泉水清冽異常冬夏不竭見吳士諤記

以上井

此板於己亥年披樓
暫照乾隆四十一年舊志
捨散不完
沿字撮補

浦江縣志



卷之二

山川

四二



水利

讀河渠書詳言水之利害益知古大禹之盡力乎溝
洫與疏河導江無異者其為民計至深遠也邑之灌
漑全賴陂塘堰埂非治其隄坊慎其蓄洩旱潦何以
無虞乎志水利薛志

德政鄉

陳湖塘 縣西四里都四

黃大塘 縣北二里都四舊志作黃

馱塘

天仙塘 縣東十里都一

徐大塘 縣西十二里

上毛塘 縣北三里都四

下毛塘 縣北三里都四

浦江縣志 卷之二

水利

一

蒲茨塘 縣北六里都四

趙山塘 縣南三里都五

嘉興鄉

鶴塘 縣東南十五里十五都舊志相傳望見白鶴白塘

中翀天而去因名廣袤數里漑田二千餘畝五代時有

西川吳氏來居其旁

宋邑人黃震龍鶴塘詩星星鬢影
雪霜堆還入騷壇鏡裏來魚畜池

中何日化鶴飛天際幾時回何妨落筆詩千首羸得開
懷酒一杯心地清閒隨處樂歡娛奚必候登臺明邑

人鄭柏詩鶴塘之水如西湖清波瀲灩金碧鋪輕風來
時飛雲浪皓月浸景堪冰壺神魚變化知莫測潛伏深

淵以時出羣山眾壑齊生雲騰波一躍高千尺天臺墨
客中書賢鱗鬣筆下生雲煙玉堂得此清夢遠持贈鶴

塘之隱仙隱仙詞章世英妙名滿朝端尚高蹈三畝儒
宮十畝園兩頃荷花一蘭棹觀魚自得濠梁樂不在玉

璜渭川釣水光山色有餘清濯纓歌罷閑舒嘯天地躡
鱗會有日蓬瀛刷羽何時到三復茲圖懷故人寫寄狂
歌君莫誦鄭棠詩鶴塘高隱士結屋白雲鄉釀酒時
盈甕攤書日滿床醉看山色好吟對竹陰涼瀟散神仙
境全勝五柳莊其二鶴塘高隱士景趣勝西湖水濶
游魚樂沙晴浴鳥呼荷花香滿望菱葉翠平鋪一棹烟
波裏身閒世上無其三鶴塘高隱士水木共清華好
鳥蠻歌韻羣芳蜀錦葩開園晴摘果汲井曉烹茶笑傲
春風裏浮生樂有涯其四鶴塘高隱士上應少微星
家擅康成學親傳太史經興來歌赤壁醉後寫黃庭至
寶人間貴何如獻大廷
黃馱塘 縣南八里 舊志作
賣大塘

靈泉鄉

水閣塘 縣東二十里 都十九 長塘 縣東二十里 炎宋初
黃氏由

東市徙 居於此 聖者塘 縣東二十二里 七十

都地兩山環抱周圍十 餘畝灌田二百餘畝

浦江縣志

卷之二

水利

通化鄉

東湖塘 縣西南三十五里宋仁宗天聖初邑人錢侃築

徽宗大觀二年侃之曾孫尙書適重修有自記記云東湖在天

聖初吾曾祖經始立爲隄以瀦水嘗命吾祖董是役三
年乃就緒其艱棘可知矣吾族人環湖皆有田賴以灌
漑而無旱歲其餘波且浸及比鄰則吾曾祖所以惠貽
後世子孫與夫鄉里者豈不厚哉屢年於茲風雨漂泊
鼯鼠穴蠹而吾家族大累重一日試往觀焉躊躇四顧追
所謂舊隄防所餘無幾適一日試往觀焉躊躇四顧追
念吾曾祖當年經畫具在於是捐餘俸以旁市濱湖之
地而增益之闕而新之以復吾曾祖之惠其隄防薄者埤
畚鍤一旦闕而新之以復吾曾祖之惠其隄防薄者埤
之卑者高之其地勢狹者斥之迂者直之恢恢乎其廣
矣當是時也氣序清和人樂輸力榦築完密負絕前比
其所瀦水汪洋激灑未易以量數計而浸灌蒲魚之利
又且十百於時也是役也肇自大觀二年正月己亥工
告畢功首尾涉兩月而人不告病鄉人親舊長老無不

至觀焉其勸相勞來往往喜見於言色退曰二公規畫之於前曾孫侈大之於後實吾鄉所未有也適於是乎

椒湖塘 縣南三十五里觀岩山之頂有泓沛然不竭曰

椒泉宋徽宗政和元年尙書錢適因築堤瀦爲巨浸與

東西湖並稱爲三湖凡溉田十五里適自爲記記云余家之東

有山渾然而中峙者曰觀巖巖之頂有泓沛然而不竭者曰椒泉二者獨鍾一方地氣之秀故山色長青而泉味尤甘嘉祐中吾祖與先考大夫嘗議建隄瀦水以待歲旱中間更事齟齬未能也大觀戊子適自視無用於時乃上書告老於朝天子從其請退而經理生事以爲終焉之計然欲修灌溉之利以追成吾祖考之志亦未逮焉越四年蒙恩起自田野進直禁嚴又命領宮祠於亳社雖備從官食厚祿而猶竊里居因得以閒暇閱月之良涓日之吉發積粟捐餘俸鳩材募工鑿石積土築爲長隄瀦爲巨浸而稱名椒湖蓋取爾雅山頂曰椒之

浦江縣志

卷之二

水利

義也是役也始於辛卯孟冬初五日甲子成於壬辰季春十五日壬申工徒勸事土功堅密無前比堤繚然而崇厚水瀾然而廣深天清風止虛明不蔽可鑿毛髮遇歲大旱則可大決之小旱則可小決之其勢無異居高而建頷水也余家農畝日被潤澤而餘波浸浸旁及者未易以一二數於斯泉未始有加損焉亦奚媿於井德之地也歟環湖益植以杉木佳竹蔥蒨鬱掩映兩山之間萬籟作止鳴禽上下四時殊景物態無窮樵夫耕牧提負往來前者歌後者和各適其適余每杖藜止堤上周覽旁聽以窮山川之趣而萬慮消隕飄然若行方外行者過其下莫不駐足仰視恍然如虹龍之橫空蝮蝮之下飲皆喜慕而稱嘆大暑流金渴者造焉不待解襟揮箠自生清涼之思而忘疲茶之煩矣況於均灌漑之利者哉此區區又樂與鄰里鄉黨共之也平居竊伏自念材智朽薄分遠跡以自匿老死於寬閒之野矣而王明下燭國恩橫被進有以榮其衰退有以成其私何其幸哉役旣成矣旁郡比邑咸皆早曠而吾里並堤之田獨大穰鄉人咸以德余嗚呼非聖天子加惠小臣而使其私豈能及於是哉爲吾鄉人者宜其息爭訟時貢輸無犯於有司以庶幾圖報聖天子之萬一顧欲以

虛名自委於不肖豈所望也哉政和五年正月十五日記

西湖塘 縣西南四十里

明邑人倪尚忠記云去予家二里許折而南為西湖志稱宋尚

書錢公遜父子築三大湖以利鄉民一椒湖一東湖一東各有記而西獨闕焉豈有待耶椒湖近且湮塞僅一山隈耳東湖寬其上下而中二阜東之特隘若葫蘆然今為蔣氏世業西湖一山中峙左右環抱坦夷深廣恍若大鏡之開匣三湖各為畝凡五六十有奇歲歲各溉田數百畝所稱利鄉民者以此錢氏子孫不能守遞與遞廢國初湖屬鄭氏宏正間稍屬予家伯祖父孟重公闢精舍其中與義門外弟鄭宗淵宗岱餘姚王先生琥時相往還吟咏暨伯父仲甯公時半為湖邊黠丐所據迨予筮仕而湖始全屬於予蓋杖履之地化為甌脫而舊日之風流儒雅亦在荒煙蔓草間矣嗟嗟可勝嘆哉予每冀修復未遑也甲辰再覲便省太孺人於家始構樓三楹旁篋各五楹於湖之西偏以居守者築垣百餘丈規為園藝雜果木千餘株竹數百个園曰經鉏門曰西湖小隱蓋自是身羈宦邸而念無日不在池園矣丁未罷歸復闢故址據湖上為閣五楹上下俱複道重

浦江縣志

卷之二

水利

四

簷可環走四眺閣曰恩綸以藏勅命榮君賜堂曰飛躍以時游詠課兒輩周垣以巖雜蒔花木復鑿小方池金鯉可千頭左右各為厨湑前復為門三楹榜曰小西湖沿湖岸植以桃柳李榴檜栢女貞芙蓉之屬草草將有緒自非有故未嘗不借諸二三昆弟往往未嘗不信宿第見夫虎尖芝嶺西康鍾阜龍門壺盤烏椒黃芽獅巖石壁諸山時獻葱蒨於吾目若錦屏亦若繡幃若采管亦若飛練而澄湖似掌小艇如鳧鼓棹開蓬分蓼撥荇浮白引滿浩歌移席時或煙雨微濛水天蒼碧青萍乍動綺縠繽紛雪月昏朝冰壺掩映儵魚之鼓鬣鷗鷺之忘機鶯鳩之坐語漁牧之行歌無一不足以供吾適而恍如身世之蓬瀛矣舊令公須君美郡丞公袁抑之後先來訪予西湖之曲君美扁予樓曰山雨亭曰狎鷗而各系以柱聯大概取唐人詩句之似者以顏其上夫習池平泉愚溪皆足以吞茲湖八九而予之亭榭不足以當蘭亭諸名園萬一徒以先世之遺寶若杯棬方謀為祠於閣之後奉先贈君以上數世俾酌水網鱗以供歲時之祭甯謂傲睨王侯留連光景之為沾沾乎萬歷庚戌仲夏記

鄭馱塘 縣南三十五里 洪塘 縣南四十里

龍塘 縣南三十五里 九都地周圍二十餘畝石陵倪氏遷居通化家於此因塘為號故稱

龍池倪氏云 山塘 縣南二十五里

翁東塘 縣南三十里 兩頭塘 縣南四十里

墓塋塘 縣西三十里 鄭深塘 縣西四十里

湯大塘 縣西南四十五里 陳大塘 縣南二十里 相傳為陳

百廿五協忠侯生長處

感德鄉

松林塘 縣東二十五里 蓮塘 縣東四十五里

後溪塘 縣東四十五里 簸箕塘 縣東四十五里

浦江縣志 卷之二 水利 五

柿林塘 縣東二十五里 潼塘 縣東四十里 二十都地大十

餘畝灌田一百五十餘畝塘中有土堆俗名龜背水至龜背下歸朱姓養魚

興賢鄉

山後塘 縣北九十里 二十九都地大五十餘畝灌田三百餘畝

堰 附

德政鄉

南橋堰 縣南一里 下巖堰 縣東二里 清水堰 縣北一里

葛澤堰 縣西二里 志作葛潭 石陵堰 縣西五里 蘆塘堰 縣東五里

仙華堰 縣北十里 前吳堰 縣西十里

靈泉鄉

入石堰 縣東二十里

葛家堰 縣東十五里 吳家堰 縣東十七里

智賀堰 縣東十七里

美肥堰 縣東十八里 今名毛尤堰

通化鄉

石沈堰 縣南三十里

青坦堰 縣南三十五里 省志作縣東

政內鄉

錢堰 縣北五十里

大坂堰 縣北五十里 廣灘堰 縣北六十里

大淤堰 縣北六十里

二家堰 縣北九十里廿九都 地灌田二百餘畝

感德鄉

官堰 縣東三十里 二十三都地

興賢鄉

浦江縣志

卷之二

水利

六

三角堰 縣北百里三十都 灌田二百餘畝

溪西堰 縣北九十里三十都 灌田三百餘畝

旋蕩堰 縣北百里三十都 灌田二百餘畝

拗井 縣南嘉興鄉十五六都等處水脈獨深用桔槔不便因于田畔穿井其形下寬上窄離井數丈豎一直木

其上用橫木一頭紮定一頭懸竿以繫桶凡三株惟直

木不動其餘二株隨手上下以是灌田名曰拗井

水碓及水磨皆藉水運機循環不窮以代人力 木杓碓

鑿空碓尾引水注之水滿則尾墜而一舂亦循環無已

橋梁

周官司險知川澤之阻而達其道路鄭注達道路者
川澤之阻則橋梁之夫行者之通王政所重也邑之
水歸為三派而細流甚多一衣帶隔之則病矣長民
者誠能以時修理又有好義之士起而共圖之庶占
利涉乎志橋梁

東隅

望仙橋即東橋 在縣東門外長三丈廣一丈五尺雍正七
年教諭沈裕記畧邑城東門名迎曦又名
環秀有橋曰望仙以仙華山水經此故名建造已久
興廢不一雍正三年丁未仲春太守車公臨浦步行
出東門週閱城垣邑侯秦公率僚屬紳耆相隨甫過
橋而橋忽圯羣相驚駭太守曰此係通衢亟宜治之

浦江縣志

卷之二

橋梁

邑侯唯唯對曰是誠有司責也隨命地保橋南暫設
木橋以通行者即捐俸擇吉興工遴選董事謀欲勸
捐以襄斯舉陳君尚齊有事來城獨認捐造稟明縣
主起工於六月三十日完工於十月十七日剋期告
竣費金數百往來稱利濟焉 光緒二十二年五月
橋脚坍塌壞全橋欲圯尚齊族人陳宗義德銘德峻并
元妻張氏合同修造共費三百
餘金舊志載入四都

一都

西山橋

縣東五里西山嶺脚東溪源水經此入南江長三
丈廣一丈元時造 國朝雍正癸丑張邦陞重修
乾隆三十八年張邦榮等捐修
同治八年張若珪世治等捐修

官路橋

縣東五里前溪水經此長一丈
廣三尺乾隆四十年里人捐修

萬年橋

縣東五里仙華寶掌山水經此入南江長三丈
三尺廣一丈一尺乾隆三十六年項應文建

五郎橋

縣東七里中埂溪水經此入南江長三丈廣九
尺元時造明世宗嘉靖十一年戴惟和重建

周孟珏橋

縣東七里石宕源水經此合中埂溪入南江長三丈廣一丈宋時造乾隆三十一年周賢珺等

捐修

東山橋

縣東七里中埂溪水經此入南江長三丈廣五尺元時造乾隆六年張一青等捐修

破溪橋

縣東七里中埂溪水經此入南江長一丈五尺廣六尺康熙年間造乾隆三十一年張守模捐修

七里橋

縣東七里寶靈溪水經此入南江長三丈八尺廣一丈六尺乾隆三十四年張以祖重建

十里橋

縣東十里寶靈溪水經此入南江長二丈廣八尺明萬曆中造光緒十七年朱宗秀張時光等捐修

終斯板橋

縣東七里金店村左中埂溪水經此入南江

五雲木橋

縣東七里金店村右黃龍溪水經此入南江

新元橋

縣東十里頂高口門前

鳳凰橋

縣東十里鳳凰殿前長一丈

浦江縣志

卷之二

橋梁

二

建始橋

縣東九里長二丈餘嘉慶庚辰年方修和堂造

望仙橋

縣東九里長一丈餘

望華橋

縣東十里長一丈餘

里仁橋

縣東八里戴宅屋後長一丈

同樂橋

縣東八里戴宅長二丈餘光緒九年戴宅捐修。以上五橋石宕源水所經

二都

吳公橋

縣西十里深裏溪水所經元吳渭建

橋臨其上名之以其方曰南橋為府縣上下之所塗

歲久水避橋決平陸涉者病焉縣之西十有二里距

江源未遠吳氏名渭字清翁者世居之清翁佩儻不羣人也念濱水以居而春潦冬冰不可以徒涉謂濟人非吾事乎迺歲丙戌至元二十三年伐巨石隄兩涯半里許明年乘水落砥其中者五又明年冬十一

浦江縣志

卷之二

三

月橋成高凡三十尺廣稱之其袤二百尺有奇庇以亭為過者休息之所繇橋東南南溪山間可數十里與府縣之塗合或南江厲揭莫測則必假道於此人以為利而吳公橋遂名於鄉初宋咸淳中公與余納交錢唐歸而館余授其子幼敏學而相與流憩西澚已有為橋意後別出聞公為義不已乃徑歸田園與江湖樹吟社甚適今幼敏走介邀余重來則橋成而公已逝悲愴久之幼敏請記於余余問公為此橋用人之力與錢穀之數幾何幼敏泣且言曰先人為此橋志於成而已其初未嘗計終亦口未嘗言也豈惟此橋凡所營為往往類是余曰嘻常人所營為其未成也先計之或吝以中止否則哀諸人既成則貪功自多且口之不置惟恐人之不知不聞也而公乃爾其過人遠矣余記之恐亦非公意也幼敏曰先生志之示後之人使知先人之志世修之庶幾弗壞焉耳乃為之書若夫山林竹樹之所迴環雲烟雪月之所衣被樵牧者蚤暮負戴者東西流光靜影遠近映帶恨不及與公攜手亭上酌酒賦詩以供暮年之樂噫公神遊亦未必倦倦於斯橋也至元三十年正月十五日記方鳳詩金椎誰蓄破山靈趨石渾疑走六丁

通濟橋

縣西十二里長十二丈廣一丈久圯康熙十四年吳惟宇重建又廢吳姓公造木橋

楊橋

縣西十五里長三丈廣八尺道光八年盛守良重建同治間盛德輝重修

餘慶橋

縣西十五里乾隆二十八年建以上三橋深衷溪水所經

三都

馬橋

縣西十五里壽溪水經此入江長三丈廣九尺雍正六年重建咸豐七年盛光榮重建長五丈八尺廣七尺

陳巖頭橋

縣西二十里金童鳴水經此入江長三丈廣八尺乾隆中造

樂善橋

縣西三十五里長丈廣尺嘉慶二年沈聖禮建

花橋 縣西二十里金童塢水經此入江長二丈廣五尺舊志樂山菴水所經乾隆六年重建

新安橋 縣西南十五里長六丈廣一丈五尺羅源界牌等源水經此入吳溪咸豐元年金明興建

義聚橋 縣西南十六里長四丈廣一丈五尺界牌雙珠等源水經此光緒庚辰年里人捐建

悠久橋 縣西南十七里長三丈廣一丈二尺雙珠源水經此道光二十八年毛菴田頂徐盛德良造

大清橋 縣西南十八里雙珠源口水經此長三丈廣一丈乾隆甲午年朱橋頭黃德鳴造

長生橋 縣西南十九里獨塘水經此長四丈廣一丈二尺道光十八年慈溪周源豐建

永渡橋 縣西南三十里章山莊長三丈廣一丈

永興橋 縣西南二十一里長四丈廣一丈里人捐造

上義成橋 縣西二十里長三丈廣一丈光緒壬午裏黃景八公造

下義成橋 縣西二十一里長三丈廣一丈光緒乙未年景八公派下重修

浦江縣志

卷之二

橋梁

四

觀音橋 縣西南二十五里觀音殿脚長二丈廣八尺里人捐造

外毛橋 縣西二十二里深裏溪水經此長四丈廣一丈一尺張咸義造

雙溪口橋 三保長六丈五尺廣一丈四尺

大橋 五保臺頭橋長六丈廣一丈四尺

至德橋 六保生院口長三丈五尺廣一丈二尺○以上三橋周士芳建

四都

下巖橋 縣東一里東橋之南長五丈七尺廣九尺

下巖橋 縣小東門外大智寺前長四丈廣五尺○以上二橋仙華山水所經匯入浦陽江

登瀛橋 縣北三里大花嶺水經此入江長一丈五尺廣六尺乾隆二十六年修月泉志在亭山之麓

道濟橋 縣北四里大花嶺水經此入江長八尺廣六尺

憲成橋

舊名堰溪橋縣北五里金阮嶺水經此入江乾隆三年知府葉公造長三丈廣七尺後廢三十三年

知縣彭坊捐造

帶雲橋

縣北五里板橋村左金阮源水經此長三丈廣一丈嘉慶癸亥陳光照造

一溪橋

縣北五里金阮源水經此長六丈七尺廣九尺光緒九年里人重修

黃埠上橋

縣北三里黃埠山西長五丈七尺廣八尺道光庚子陳宗義造光緒年間捐資重造

花兒橋

縣北門外長一丈八尺廣五尺

五都

大南橋

縣南一里許江水所經每積潦不得渡宋哲宗元符中尚書錢適始立橋於上廣一丈九尺亘三十

丈下醜水九道視他橋為雄歲久水決橋外渡者告病元順帝至正四年達魯花赤那海公作大隄三百餘丈障水還橋下其上創亭三楹中間以奉浮屠氏隄旁翼以扶欄雜植槐柳作樓以憇行者隄盡處別橋梁

浦江縣志

卷之二

五

建小橋以洩支流人行隄上斜睨縣南飛樓傑閣掩映蒼翠中儼然圖畫也隄曰浦陽隄小橋曰問津橋

元方橋記云浦陽江出深源經越之錢清入於海江去縣治不一里而近每積潦人莫得渡宋元符間

尚書錢公適始構橋江上久為橫流旁出橋若虛置以故危圯頽壓靡能葺理至正初元復由故道行越

三年癸未達魯花赤那海公適長是邑乃矍然曰天其或者有所屬乎明年秋因首割己俸為修治之僚

佐吏屬莫不協從凡閭巷鄉鄙之在編籍者亦皆出資以助而公專任其事焉遂鳩工代石具畚鍤飭民

庶眾効其力如蟻斯集如鵲斯構不期月而成其南又築隄與橋道接隄杪構小橋以疏別流曰問津舊

有迎恩亭在社壇之右因徙就橋側且為屋十四楹以為偵候憇息之所扁曰臨清橋為欲道九廣十有

九尺亘五十步因故名匾曰浦陽江橋隄廣視橋亘五百步匾曰浦陽隄於是朱欄華柱映耀鯨波虹跨

鼇戴雅麗駭目樹以槐柳蒼蒼林林樵者以歌漁者以舞負者戴者以往以來呼呼吸相屬也邑之父老來屬余記以為尚書公德業文章曄然昭著及於四方而公又能輸其餘力以利民涉閱二百餘年未聞有

卓然能起仆弊而興者今公之興是役殫心致力以爲民先鷄鳴而起日入而息熱燥濕蒸忘其疲乏民舍穡事而趨役不以爲勞出私儲而食工不以爲厲費省而用周功成而效速視尙書公經始之意爲無忝矣則公之茂績推之於政必將優美可觀奚止斯橋而已哉工始於是歲之春月畢於八月之二十有八日是役也橋爲大故爲記之詳焉至正五年二月記鄭淵南橋隄記云浦陽江出縣西六十里深裏山之南經於縣治之南門東流入於海宋工部尙書錢公適嘗作橋於江以通行者橋後害於水江隄遂決沿江之田皆漂毀不存民往往病之至正三年江西那海公來爲縣長官不數月有治聲每過南門輒念斯橋之壞而民多病涉明年冬興役治橋橋成乃築土隄廣若干尺高若干尺而殺其上甃以石役三時乃成名曰浦陽隄又墾田若干畝有奇公之惠及吾民者不其至哉縣民感公之德不能忘乃謀伐石請余記余竊聞之滕侯子京治岳陽時因洞庭水之險乃自岳陽門西距金雞之右築堤一千餘尺以利民名之曰堰洪歐陽子實序而記之謂其以百步之隄禦天下至險不測之患歐陽子豈過論者哉今公之

浦江縣志

卷之二

橋梁

六

治浦江政旣無不修又能以其餘力興數十年之廢其於滕侯之治岳陽予恐無以異也世嘗謂古之人爲民興利而今之人無以繼之者觀公斯舉其何愧乎烏可以淺心而遽量茲世之人也是堤之築其惠及乎吾民者甚宏不可無記以告來者遂書刻於江濱○後圮明神宗萬曆二十一年邑人陳玉捐田四畝地一畝歲收租息造木橋以便行者民永賴之

國朝康熙十年邑人李如珪募捐田五畝五分以資修理

邑人張一煒記嘗讀水經注謂浦陽江水導源烏傷

又東逕諸暨與五洩溪合復引韋昭註以松江浙江

浦陽江爲三江由是著名天下然又引地理志云上

虞縣有蕭山潘水所出東入海疑爲浦陽江之別名

舍是水無水以應之故至今蕭山尙有稱浦陽江者

謝惠連西陵遇風詩有昨發浦陽內今宿浙江湄之

語蓋指下流而云耳然茲姑不具述特以是江襟帶

郭南去城僅數百武順流而東委蛇百里始通舟楫

而廣羅吳越之利若西南陸路則遠接閩粵豫章近

聯金衢嚴處雖非一大都會乎而接踵絡繹者固未嘗絕也第洲深岸濶流急波狂壅塞無常奔淤莫定春漲夏霽秋潦冬冽瀕洞滄漭之勢怒號衝突之威

不時間作其間商賈負乘士農駢集往往望洋而嘆
既印須之莫招復旅宿之無處即有急事倉皇不得
已而輕身徒涉僥倖萬全其為民之病也大矣此徒
枉與梁所以為王道之鴻規有不得不急為先務者
是江之有橋也蓋自宋元符錢尚書適捐資剏建始
時行人德之其後橫流暴溢江水別通一路而橋下
沙積成堆竟為無用漸被風日雨雪所剝壞元至正
間江流故道達魯花赤那海公復捐俸剏建一時佐
屬紳民樂襄盛舉告成之日又築堤於橋南以障之
徙亭於橋側以憩之而加丹雘而夾雕欄方檇鄭淵
兩先生作記詳哉其言之也然始盛者難於其繼過
麗者艱於其修歷有年所非獨橋圯亭頽并隄亦漸
坍塌矣明萬曆中陳別駕玉賦遂初之志而切己溺
之憂毅然鳩工伐木以建之可通一人往來助田一
石六斗地四斗徵租葺理設心非不甚周貽謀非不
及遠而終以狹小未便馳驅今康熙十年邑人李如
珪興繼述之懷以為擴充之計屬水月菴苾芻見如
者沿門拜募善信樂從更為大橋可用數人互相往
來置田二石二斗合菴僧掌之以為修理之資真久
遠之長策而無量之福田也工竣謀伐石鐫碑問記

浦江縣志

卷之二

橋梁

七

於予予維諸君之心見諸實事而予區區僅托空言
可乎不知前人之功得予言以傳而後之人觀吾言
而興感者或建或修或輸或募不但前績之不泯而
且擴而充之將未有艾矣甯敢以予之言與方鄭兩
公並垂不朽耶康熙癸丑小春上浣記○按據橋田
碑記陳玉助田四畝地一畝蔣明宇助田三畝李如
珪屬僧見如募增田五畝五分五釐周時希薛有銘
胡有全胡良瑞同助田一畝五分周忠有周明玉周
明珪同助田一畝傅邦贊助地七分五釐毛侯捐置
民山六畝趙志仁助銀五兩乾隆四十年項環玉呈
明現在管理歲修公產總數五都八保德田五畝五
分九保德田六畝九分七釐十六都二保嘉田二畝
民地一畝三分零五毫三都六保官山六畝○薛志
按碑記所載與現存田畝不盡合符其中或係更換
或有侵欺一時難以清理
姑兩存之以備稽察

小南橋

縣南一里三都源水入此木橋長十餘文乾隆十
年生員樓銘等捐置歲修橋產于啟原助田二畝
二分五釐樓啟禪助田一畝七分五釐樓瓊玉助田
一畝五分于以興助田一畝樓銘助田二畝五分公

資置買田一畝三分八釐時管理人季尚維 按今
公置田一畝三分八釐除建造橋屋涼亭外現只存
田五分

嘉慶六年知縣彭志傑捐廉首倡合大小南橋重加

修葺并令倪鳳書等增置屋業田地設會以資歲修

倪其旋堂助屋四間潘怡順堂助西隅屋三間樓樂

泮堂助田二畝七分五釐樓振起堂助田三畝五分

張惟雲助田一畝五分于承富助田一畝二分五釐

張邦科助田一畝二分五釐張忠稟助田一畝樓廣

才助田一畝于正春助地一畝張用聖助地七分五

釐于承蕃助地一畝各家捐資置買田三畝五釐倪

其旋堂助資買田一畝二分五釐彭侯記邑南城之

門有二曰文明日宣和離南城不半里波沔浩淼而

蜿蜒東注於暨陽者為浦陽江又名南江志所載南

江夕照也江之源二一出井阮一出深裏蓋吳淵穎

讀書處也江之橋二上下僅隔半里許出於文明門

者陸路走金蘭諸邑出於宣和門者陸路走義東諸

浦江縣志

卷之二

橋梁

八

邑皆肩摩踵接通衢周語云天根見而水涸水涸
而成梁眾流所匯非橋不足利濟也上橋建於宋尚
書錢公適迄元達魯花赤那海公而發以石明別駕

國朝

李君如珪葺之皆有記載於邑乘下流之水無文可

考浦陽江為入海三江之一見於越絕書韋昭註屬

道元水經注浦雖山陬小邑江之名久著於浙東西

矣當霖潦暴澍冰霜凜栗問津者駢集往往臨流而

嘆江之有橋關於民生利害者不綦重乎哉嘉慶庚

申春予署浦江縣事甫入境臨南江上下橋橋狹窄

而危行者病之余愀然曰鄭康成註周官司險一職

謂達道路者川澤之阻則橋梁之是王政之急務為

民牧者可忽諸緣首先捐俸市材鳩工腐者新脆者

堅其潤較舊規而倍其三其高則參之一雙橋並峙

如虹之縮如鼇之帶焉閱三月工峻惟江流不定山

水驟發其衝突奔瀉之勢圻寒無常難為象石計惟

仍木橋為便因思集事者圖始易圖終難歲修工料

雖有舊置之田計數無多非增恆產以給運支則旋

興旋廢曷以永久所賴好義者共襄義舉耳予之為

倡邑紳士咸踴躍樂輸所謂眾志成城一時之舉百

世之利矣於是定章程稽出入立成規邑紳士之力居多爰志所自以告後來者

樓鴻傑大

小南橋會序畧并俞文林續理南橋記畧咸豐辛酉

粵匪擾浦田地荒蕪經理乏人兩橋幾廢同治四年

樓鳳書俞文秀等添設新會措資募田以垂久遠又

邀同紳士具稟請將庫房糧總項下撥出糧餘每兩

貳文稅房項下撥出稅餘每兩壹文以為歲修之費

知縣李居易批准立案傑等公議自前明至

國朝嘉慶新舊產業統歸于一名為南橋會至清釐會產

愈君之力居多光緒十年以來極力經營逐年修理

外又積餘資置田十畝彙錄新舊助產都保坵片現

浦江縣志

卷之二

橋梁

九

種佃戶辦理成規董理姓名刊載南橋記并立碑邑

廟以垂久遠附同治光緒年間增置產業○許盛法助田二畝五分五釐張薛氏助田一畝張成林助田

四畝黃忠廣助田三畝張忠雨助田七分五釐彭光湧助田二畝孫其華助田三畝五分樓廣業助田一

畝五分甘義益堂助田一畝方忠明助田四畝五分又地一畝羅明瑞助田二畝毛志靜志源助田七畝

二分五釐又志源助田五畝一分五釐二毫五絲張邦棠助田一畝二分五釐樓宏輝助田二分二釐零

朱耀仁助田八分八釐零又價受田一分一釐零周尚學助田二畝三分七釐五毫樓鴻傑助田

一畝二分五釐俞文秀經管置買田十畝正

以上南橋會田產其都保坵片土名詳載南橋誌今

刊義產

韓西橋

縣西一里月泉水所經宋仁宗皇祐時建舊名文昌橋即府志西橋也形家謂文曲星所臨橋立則

登科者多(月泉志云)去登瀛橋半里許

太白橋 縣小西門外大花嶺水經 此長四丈八尺廣五尺

漕堰橋 縣大西門外月泉水經 此長一丈七尺廣八尺

平步橋 縣小西門外杭口嶺水經 此長二尺廣五尺

西安橋 縣大西門外周王廟側杭口嶺大花嶺水經 此長三丈廣七尺乾隆二十二年捐造

永濟橋 縣水門口杭口嶺大花嶺水經 此長三丈廣八尺乾隆丙子年捐造

寺橋 樓亮銳碑記是橋創造不知何年然橋以寺名則與龍德寺後先矣乾隆五十九年里人捐造嘉慶元年

樓亮忠等捐造

太平橋 縣西三里杭口嶺水經 此入江長三丈五尺廣八尺

永安橋 縣西三里田間之水由 此入江長一丈廣三尺

浦江縣志 卷之二 橋梁

新橋 縣西四里黃坑陳湖塘水經 此入江長三丈廣一丈同治間周忠寅等重修

茅橋 縣西四里黃坑水經 此入江長三丈廣九尺 舊志桃嶺水經此黃維禎重建

泉溪橋 縣西五里週西陽源水經 此入江長一丈二尺廣三尺乾隆二十八年修

桐橋 縣西五里桃嶺源水經 此入江長二丈廣五尺

西南江橋 縣西三里木橋長四十丈浦陽江水經 此道光間朱琴溪創造同治間朱承貢等勸捐重修

同樂橋 縣西五里木橋長四十丈浦陽江水經 此石延寶等勸捐重修

六都

洪橋 縣南二十里龍門源雙溪源水經 此入梅溪長十三丈廣一丈二尺順治十八年建康熙三十四年施大

樞重建乾隆十七年施偉元施尹書施茂桂捐修嘉慶七年洪水彙壤施正珽捐田改修木橋

柳間畝木橋 縣南二十里雙溪水經 此入洪溪長六丈廣三丈施亦通派下修造

雙溪口木橋 縣南二十里龍門源水經此入洪溪長三丈廣三尺施正夏派下修造 以上三橋同治

間施見龍尚吉開璋等勸捐修造并置義產以資歲修

松柏橋 縣南二十三里烏蜀山水經此入梅溪長二丈四尺廣一丈乾隆三十年重建三十九年許正春修

上新橋 縣南十八里五路源長一丈八尺廣六尺同治十年沈德元等捐造

七都

下湖橋 縣南二十五里橫溪長六丈廣一丈二尺道光十六年柳光瑞等捐造

鎮陵橋 縣南二十八里宋宅洪溪水經此長十五丈廣一丈二尺咸豐三年捐造

前橋 縣南三十里溪口周隴水經此入梅溪長六丈廣六尺



橋 縣南三十五里長陵祝梅溪水經此長十四丈廣八尺

同樂橋 縣南四十里梅溪水經此長十五丈廣一丈六尺咸豐間捐造

浦江縣志

卷之二

橋梁

十一

外下箬橋 縣南四十五里輪巖源水經此入梅溪長二丈五尺廣一丈二尺嘉慶間汪應美建咸豐間汪

立熊重修并助亭基一所

八都

墩頭橋 縣南四十里梅溪水經此長十五丈廣一丈四尺道光年間捐造

大觀橋 縣南四十里菊花園源水經此入梅溪長一丈二尺廣六尺明時造

楊村橋 縣南四十里梅溪源水經此長一丈二尺廣六尺明時造

九都

卧龍橋 縣南三十五里野貓源水經此入梅溪祝氏建

永鎮橋 縣南四十五里外陶王村外梅溪水經此長十八丈廣一丈四尺嘉慶年間捐造光緒十年捐改洞

橋

普濟橋 縣南五十里石埠頭莊後梅溪水經

西康橋 縣南五十里西康源水經此入梅溪

永濟橋 縣南五十里倪姓祠前梅溪水經此長二十丈廣八尺嘉慶中倪其旋堂造同治五年捐修光緒

年周玉潤認修一次

洪福橋 縣南五十里王沙溪水經此入梅溪長四丈廣一丈二尺嘉慶中倪中和堂建

馬溪口橋 縣南五十里湯山水經此入梅溪長三丈廣一丈乾隆中倪其旋堂建

通洲橋 縣西南五十里塔山脚梅溪水經此入蘭谿乾隆二十三年倪元征捐造嘉慶五年洪水冲壞暫佈

木橋道光三年倪元征捐造嘉慶五年洪水冲壞暫佈云蓋聞為倚為約占利濟於行人成杠成梁誌修完之美政是則鴈齒遙連無楫不愁乎野渡躡身高峙驅車免歎夫津迷者矣邑有通洲橋者建自乾隆之歲地當通化之鄉路達蘭江橋居浦地實車馬之衝衢為往來之要道上建甘椽之水榭風雨堪遮下臨橋梁

浦江縣志 卷之二

百尺之長波淺深無慮斯橋之利洵莫大焉迺於嘉慶庚申之六月天雨連綿山水陡發津梁盡壞基址徒存雖經邑人勉加修葺然而風吹雨灑薄板難支木落水堅投輪足懼日暮停驂誰惜遠遊之客霜華印迹可憐羈旅之人本縣叨宰斯土念切民瘼嗷小惠之濟人懷古風於遵道首捐鶴俸爰為鳩工惟是採鑿艱而鞭石誰能工程大而輸金尙寡因諸君之請特冠數語於前所望共結勝緣快成美舉各解五銖之金錯用建十丈之銀梁庶幾落成有日不煩鳥雀之填塞涉無歌長看彩虹之駕謹引○同治六年倪允慧等捐葺光緒十二年合鄉籌捐改木為石長二十一丈廣一丈八尺有奇高三丈許為堦六為洞五石欄高四尺餘上建水榭二十一間中龕觀音大士像費錢一萬二千兩邑人張淦記云吾浦水源紛歧四出其大宗有三浦陽江發源於西經流而東始由紹興三港入海至前明改由錢塘此東西之水也北日壺源出源口入富春江南則合蜀溪梅溪諸流西入蘭江而出洲上此通洲橋所由名也夫通洲橋者乾隆間倪元征首創嘉慶五年六月淫雨為災石堦橋梁痛傾洪水至道光初元征孫望蓮重造詳見

方公序文舊制橋梁凡七架屋爲之鋪板蓋屋相傳爲培補一鄉水口云茲特與掛鐘尖文昌閣合併籌捐同時並建者義蓋仍取諸此第堪與家言姑置勿論惟是橋橫亘三十餘丈橋身既長上建水榭所負又重且當孔道擊肩摩往來不絕易致損壞以致橋屋不十稔須修橋梁不二稔須換都人士恆患苦之丙戌春會酌於廣學書院擬易木爲石爲一勞永逸之計僉曰善卽席開捐分都任事不淡旬已集資六千金雖工繁費大非巨萬不足興是役然橋工之大致亦已粗定越一月復設席於書院石工泥作紛紛畢集遂由是而興工矣是役也主持全局者陳君周學也總司會計者倪君憲章也捐收支付彈壓工匠以及泛應一切者則陳君尹羅道根文通倪君安法陶君君傑王君章華克盛吳君道惠祈靖之力也始事於丙戌夏四月歲事於丁亥冬十一月春秋僅一易耳而功已告竣且因橋底及行人者涼亭旁屋以及兩橋路勘罔不堅固完好余忝主書院講席各村諸董事囑余文記之余自維謏陋何足言文惟院中一再設席獲晤任事諸君見其奮發有爲潔清自矢早知事之必成特不意如斯其速也余甚嘉諸

浦江縣志

卷之二

橋梁

君勇於爲善一腔急公好義之血誠洵足尙焉遂不計詞之工拙而直書其巔末如此是爲記 按此次樂輸姓氏暨歲修田畝刊有通洲橋志一卷

劉源橋

縣南五十里劉源水經此入梅溪長五丈五尺廣一丈五尺嘉慶中捐修上有橋屋咸豐間重修

山下橋

縣南五十里山下莊門前劉源水經此入梅溪長十丈廣六尺里人捐造

長生橋

縣南五十里佔坑壩口長五丈廣一丈咸豐間捐修造

十都

永聖橋

縣南三十五里九龍山水經此長一丈五尺廣七尺乾隆二十年里人仇姓捐造

永鎮橋

縣南四十五里馬溪水經此長四丈廣一丈五尺乾隆十五年里人捐造

鳳儀橋

縣南四十五里馬溪水經此長三丈五尺廣二丈乾隆二十八年里人捐造

破馱堰橋

縣南四十五里湯山邵山水經此長三丈二尺廣五尺

白佛寺前橋 縣南五十里湯山邵山水經此長四丈廣一丈光緒戊子年陳尹墾等重捐修造

張山橋 縣南六十里龍門水經此長一丈四尺廣六尺

半源橋 縣南五十五里龍門水經此長三丈五尺廣一丈四尺湯修益捐修

永濟橋 縣西南五十里觀音廟下長六丈五尺廣一丈一尺

石板橋 縣西南五十里長八丈五尺廣五尺

登瀛橋 縣西南五十里下泉坂長一丈廣九尺橋頭有涼亭光緒十九年陳周學等捐造

佛堂橋 縣西南五十里長二丈廣八尺

前店橋 縣西南五十里前店村頂長二丈廣七尺

新橋 縣西南五十里長三丈一尺廣一丈

判大橋 縣西南五十里長二丈七尺廣一丈一尺

浦江縣志

卷之二

橋梁

十四

步雲橋 縣西南五十里長四丈廣一丈一尺光緒壬辰陳周學陳發祥等重造

普濟橋 縣西南五十里長四丈五尺廣五尺同治壬申陳周學修

石板橋 縣西南五十里長四丈五尺廣五尺同治壬申陳周學修

金蘭橋 縣西南五十里湯山源水經此長四丈三尺廣一丈潛長口人造

報功橋 縣西南五十里長三丈五尺廣一丈二尺光緒己卯里人捐造

五龍橋 縣西南五十里青巖壠口長二丈五尺廣一丈二尺

樟樹橋 縣西南五十里慈姑寺長二丈廣一丈

龍門橋 縣西南五十里長二丈廣一丈

真武橋 縣西南五十里真武廟前長二丈一尺廣一丈

關帝廟前橋 縣西南五十里龍門脚長二丈五尺廣一丈一尺

協邨外橋 縣西南五十里

協忠侯廟脚橋 縣西南五十里

平頭橋 縣西南五十里

跔背橋 縣西南五十里塔溪壠口長二丈五尺廣一丈五尺。以上諸橋水均入梅溪

十一都

兩頭塘橋 縣南三十里轉輪巖水經此長一丈三尺廣八尺

宋家橋 縣南三十里滙洪橋松柏橋通津橋三水經此宋氏建乾隆三年改木橋

芝金橋 縣南三十五里長一丈廣五尺乾隆二十七年造

下仇橋 縣南三十五里長一丈廣五尺上二橋九龍山水經此

沙溪橋 縣南四十里長一丈五尺廣六尺明神宗萬曆十五年建順治間王維忠重修

浦江縣志 卷之二 橋梁 五

石板橋 縣南四十里長一丈廣四尺

新橋 縣南四十里磚砌長一丈四尺廣七尺以上三橋太陽嶺水經此

鄭公橋 縣南四十里黃茅山水經此長一丈三尺廣五尺

洪濟橋 縣南四十五里楊塢源水經此長二丈七尺廣一丈乾隆十六年汪郁文建

古石橋 縣南四十五里田兒塢水經此長一丈三尺廣五尺

平頭橋 縣南五十里長一丈廣六尺乾隆三十八年修

公館橋 縣南五十里長一丈五尺廣七尺以上二橋太陽嶺水經此

橋頭 縣南五十里楊塢源水經此長一丈五尺廣七尺

下箬橋 縣南四十里長一丈五尺廣八尺

東倉橋 縣南四十里長一丈三尺廣八尺光緒十年捐造

凸頭橋 縣南四十里長一丈四尺廣八尺以上三橋轉輪巖水經此

水塘橋 縣南四十里長一丈廣八尺陳守福建

後橋頭橋 縣南四十里長一丈廣六尺

外橋頭橋 縣南四十里長一丈廣八尺

紅殿前橋 縣南四十里長一丈五尺廣八尺以上四橋下弔尖小壩塘水經此

下坡老橋 縣南四十里長一丈廣八尺陳守福建

坡老橋 縣南四十里長一丈廣八尺以上二橋高竹尖水經此

巖頭橋 縣南四十里長二丈廣八尺

前山門前橋 縣南四十里長二丈廣八尺

八閣殿脚橋 縣南四十里長二丈廣八尺

浦江縣志

卷之二

橋梁

六

塘下溪橋 縣南四十里長二丈廣八尺上三橋椒湖塘水經此。以上諸橋水均入梅溪

十二都

通津橋 縣南二十五里長二丈廣八尺乾隆三年重修

永鎮橋 縣南二十五里長一丈八尺廣六尺乾隆二十六年里人捐造。上二橋華藏寺山水經此

上烏蜀橋 縣南三十里長一丈廣五尺元順帝至正中柳貫建

中烏蜀橋 縣南三十里長三丈廣七尺康熙間方姓造

下烏蜀橋 縣南三十里長四丈廣一丈康熙間方姓造以上三橋烏蜀山水經此

孝思橋 縣南四十里長一丈五尺廣一丈康熙五十七年王君京建後王氏屢次重修以上六

橋水匯梅溪

十三都

戚邨橋 縣南三十里義烏裏塘源水經

石斛橋 縣南三十里義烏永甯鄉香山頭水經此入

定龍橋 縣東三十五里官巖山麓卽下于橋浦陽江水經此明萬曆十七年建後圯里人捐造木橋長二十

五丈廣四尺道光年間復爲石橋長四十八丈廣八尺

永濟橋 縣東二十五里鍾村下首木橋浦陽江水經此長短無定約二三十丈數鍾賢浩賢漢等創立橋會

置田十餘畝以資歲修

定安橋 縣東三十里獅子巖下長四丈廣八尺咸豐五年冲壞任良俊修光緒十二年捐建

萬年橋 縣東二十五里在鍾村門前里人捐建

安定橋 縣東二十五里以上二橋義烏延壽溪水滙入浦陽江

十四都

浦江縣志 卷之二 橋梁 七

通濟橋 縣東南三十里隆溪水經此長三丈一尺廣一丈三尺乾隆三十一年里人張仕仲建捐田三畝二

分五釐以資歲修

惠孚橋 縣東南三十里隆溪水經此木橋長十三丈一尺廣三尺乾隆四十一年里人張仕仲建捐田三畝

地都保卽片土各另載義產册

泰平橋 縣東南二十里治平寺前澄溪水經此入浦陽江

傷道經澄溪之上爲東州都會之要津舊有泰平橋久圯弗治四方行旅之往來恆病涉焉橋植治平寺

門寺肇建於後唐清泰間號清泰寺重修於大宋太平興國中又改曰太平而造橋於是時故以名焉後

寺更今名而橋則仍其舊稱也今其原基湮沒雖鄉之耆老亦鮮有知者矣寺僧有慈韻師者一日游於

溪之上慨然語徒眾曰橋之興廢實係寺之隆替自斯橋之毀而道路四穿旁午於風水家爲衝射氣走

之忌雖吾空門不作是念而佛以慈憫爲心所謂橋梁居八福之一亦吾徒所宜先也此而弗治則寺爲

無人矣乃捐衣鉢倡眾庀工重建之累石層甃其趾
又聯構列屋其上架木平版其面而欄檻其兩旁行
者無漲潦漂溺之虞負荷往來舉皆平步安行矣厥
功告成適余謁告歸展先人塋域道經澄溪過而憇
焉韻師邀余入欲求文以記余舊與山中雲講師相
善也曩師修整觀行以儀範後學攀慈航望彼岸者
前後相繼其徒恕上人今住持杭之報國寺亦能興
舊起廢有聲宗門韻師亦雲公徒也侍講下為最久
又能宏師法旨成利濟之業以便來者雲公之道信
得所傳矣且雲與韻同出戚氏名族兼通吾儒文學
詞翰俱善宜有以振揚宗風余喜欲為之書時未暇
也是年冬朝廷普建大功德道場韻師因召來京師
復申前請余用是備述橋之廢興所自告諸其徒俾
聞風而興起齊一其心將見金碧其棟宇次第有造
就矣豈惟一橋之重建云乎竊觀天下名藍勝刹每
魚鼓寂然由住持非其人也使咸若雲講師之徒居
之不止報國名利有成而已將無往不有為也因併
記諸橋石信余言之後驗云後無寺僧續修橋即廢
圯里人捐造木橋計長十有餘丈廣
四尺有零復糾會置產以資歲修

浦江縣志

卷之二

上橋 縣東二十里紗帽灘木橋長二十餘丈道光十四年
黃蔚助田五畝二分五釐咸豐三年李西亭助田地

十畝零同治間另約一會以帮
歲修光緒初又捐渡船一隻

中橋 縣東二十里紗帽灘
木橋長二十餘丈

下橋 縣東二十三里紗帽灘木橋
以上三橋浦陽江水經此

十五都

相公橋 縣東南十五里義烏鯉魚山水經此長
二丈廣八尺嘉慶庚午年楊里公建

永福橋 縣東南十五里演水水源水經
此乾隆三年僧裏禮募建

水碓橋 縣東南十八里桃溪水經此雍正七年
僧文源募建 上三橋水滙於浦陽江

萬春橋 縣東南十五里浦陽江水經此木橋長
十五丈光緒二十年新造橋屋三間

永和橋 縣東南十五里湖山家邊浦
陽江水經此木橋長十丈

十六都

百世橋 縣南十里白石源水經此入湖

新橋 縣南十里白石源水經此入湖山長六丈廣七尺乾隆元年建

富壑 薛志橋 縣東南十里大王嶺作仕橋水經此入浦陽江

大聖橋 縣南十里大王嶺水經此入浦陽江長二丈餘廣一丈元張一清建

馬林橋 縣南十里南山水經此入湖山長二丈五尺廣七尺乾隆二十年修

楊資橋 縣東南十五里白石源水經此入湖山木橋長九尺廣四尺

浦陽東橋 縣東南三十里見府志今廢

興隆橋 縣南十里槁溪水經此木橋長七尺

十七都

浦江縣志

卷之二

橋梁

羅漢橋 縣東三十里長四丈八尺廣一丈二尺舊志向有巨石屹立溪中相傳為羅漢所攝即石造橋因名

山橋 縣東四十里長一丈廣六尺後廢乾隆二十六年改造木橋

羅同橋 縣東二十六里長一丈八尺廣五尺

永仙橋 縣東北二十五里劉笙長二丈一尺廣七尺咸豐辛酉建光緒壬辰重修

永鎮橋 縣東北二十四里八石長二丈二尺廣九尺咸豐辛酉陳榮錦造光緒九年黃林宴重修

李公橋 縣東北二十三里何店長二丈八尺廣七尺道光辛丑李聖照造

望安橋 縣東北二十三里何店長五丈九尺廣八尺五寸以上七橋左溪水經此入江

雙溪橋 縣東北二十里何尙山長二丈一尺廣六尺光緒辛卯張永起造

盛村橋 縣東北二十里長二丈一尺廣六尺道光辛丑陳宗義造

下溪橋 縣東北二十五里盛村長二丈廣五尺隙永盈造

一山橋 縣東北二十五里盛村長一丈八尺廣四尺陳光開造

永安橋 縣東北二十五里田來長一丈五尺廣四尺光緒八年張錫蕃重修

永濟橋 縣東北二十五里田來長一丈八尺廣九尺陳世孝造

雙溪橋 縣東北二十二里裏張長二丈一尺廣八尺嘉慶二年張漢林造 以上七橋西源水經此入左溪

保安橋 縣東北二十一里夏線長六丈廣一丈二尺咸豐年間黃幾旦造

久長橋 縣東北二十里雙溪口界十八都地長六丈二尺廣一丈二尺道光癸未王有起妻陳氏造光緒丙子王一聲重修壬辰賈黃氏重修西邊

加圍門一座 上二橋左溪水經此

青雲橋 縣東十六里後嚴家邊長二丈二尺廣一丈

望江橋 縣東十五里長一丈八尺廣五尺道光元年倪望儒造

上頭橋 縣東十五里山下店長二丈七尺廣九尺

下頭橋 縣東十五里山下店長二丈六尺廣九尺

永頭橋 縣東十五里官山頭長三丈一尺廣九尺

濶板橋 縣東十四里牛輓蓋長二丈七尺廣九尺光緒十五年陳宗涓造 上六橋出跡源水經此

瑞川橋 縣東十二里馬墅長五丈廣八尺光緒癸巳捐造

壽星橋 縣東十二里馬墅南長四丈二尺廣一丈二尺咸豐三年高國泰造 上二橋田塢水經過

湖橋 縣東十五里湖橋長三丈廣一丈二尺道光間里人捐造

迴抱橋 縣東十五里西溪家邊入浦陽江長一丈八尺廣八尺 上二橋出跡田塢二源水經此

十八都

左溪橋 縣東二十里芳地口長十一丈五尺廣一丈一尺有石欄道光十七年黃幾旦造

義濟橋 縣東十八里三步石木橋長十三丈光緒間約聚新會捐田二石七斗五升地三石八斗七升以資

浦江縣志

卷之二

橋梁

歲修有亭三間
基地陳桂榮助

固安橋

縣東十八里俗呼洪公橋即舊志王公橋僧應直

為洪水所壞四十一一年知縣薛鼎銘倡捐重建改今

名訓導嚴炳元記浦邑東鄉與紹郡之諸暨接壤為

省行孔道距城十五里有大溪源出大嶺兩山間合

流而下入左溪是溪受左溪之水達浦陽江故溪流

為最猛每驟雨勢輒洶湍奔揚其疾如矢溪之上有

橋橋圍三門袤十餘丈廣丈餘按舊志稱為王公橋

僧應直獻募建而土人則呼之以洪公洪公者土音

之訛也詎王公為倡而專其美耶抑真獻承命王公

而歸美之耶訪其遺績無記載碑碣可考莫能辨焉

余於癸巳清和之杪由山左齊東令司鐸是邦渡此

橋深相訝日橋之袤且廣者僅澤國有之不謂山

區亦猶是也越旬有八日薛侯鼎銘奉

簡命莅治甫下車適梅雨滂沱積三晝夜溪水橫流橋不

能禦遂以圯舉疇曩所磊巨石水盡挾之以沸騰不

知所往於時四境內田稼凡瀕溪者不無偏裓侯出

廉遍加撫恤屬余佐之散給余復經其地橋固蕩然

浦江縣志

卷之二

三

又溪當冲決之餘水益深浚恃有竹筏蟻其旁乘之

以濟而民乃羣歌匏葉矣比年以來時和歲稔風俗

恬熙侯於數百年湮墜之事皆起而振興之一日於

武林歸途見往來行人雖已架木成梁差可徒步然

苦於偏窄未堅喟然發慨謂是亦為政之要務也何

可任其久廢乎遂首捐金累百其有未足則襄以眾

力共計費千四百餘遴邑人汪君仲憲為之董率工

始於丙申之二月二十四日迄於丁酉之某月某日

其橋之袤且廣如故既成題其柱曰固安嗟夫昔之

以王公名橋者非專美於一己即歸美於一人或未
免私其功也今侯之所命志在苞桑不復求著其姓
氏顧名思義殆冀邑之人有享利濟有美勿居者耶
是為記

祝清橋

縣東十八里毛尤堰下木橋長十丈
餘李聖照造又捐田十畝以資歲修

廣德橋

縣東二十里桐木殿西邊薛志木橋名入合橋道
光間改建石橋長十丈廣八尺後圯光緒壬午里

人捐建
改今名

澄溪橋 縣東二十里上店木橋長十五丈 上六橋匯左溪水入江

金橋 縣東二十里俗呼金洞溪三聖巖水經此乾隆間造

高橋 縣東二十里木橋長十三丈左溪水經此入江

十九都

壽安橋 縣東北三十里泥都家下大竺嶺水經此長一丈四尺濶一丈二尺道光 年黃幾旦造

共樂橋 縣東北三十里長二丈廣六尺

利涉橋 縣東北三十里長四丈廣一丈

永和橋 縣東北二十八里石母嶺脚道光間王守振光緒癸巳洪水冲壞洪兆譜新立基址將舊石湊砌另

添新石長二丈七尺廣一丈二尺

太平橋 縣東北二十九里長三丈廣一丈

浦江縣志 卷之二 橋梁 三

寶齡橋 縣東北二十八里長三丈五尺廣一丈二尺

永樂橋 縣東北二十七里石母嶺脚長二丈七尺廣一丈五尺

鎮龍橋 縣東北二十六里淡竹嶺水經此乾隆三十八年洪水冲壞四十年重建長四丈五尺廣一丈四尺

橋頭有啟明亭

大桐橋 縣東北二十五里淡竹嶺水經此長二丈四尺廣一丈

永鎮橋 縣東北二十四里長四丈四尺廣一丈三尺

驄馬橋 縣東二十三里長五丈廣六尺後廢改建木橋

祝家橋 縣東二十二里長七尺廣一丈二尺石郭源水經此被洪水冲壞周士芳重造

履安橋 縣東二十二里合前黃溪長五丈二尺廣一丈三尺乾隆二十九年王志楓造後圯

旭升橋 縣東二十二里王梅嶺脚合前黃溪入江長二丈廣七尺後圯乾隆三十八年王志楓重建 上三

橋石郭源水
經此入江

保安橋 縣東二十三里長三丈四尺廣一丈八尺

永濟橋 縣東二十五里樟橋頭寺後源水所經

二十都

石六橋 縣東四十里于店門前

觀橋 縣東四十里長二丈廣一丈

永濟橋 縣東四十五里鍾宅門前乾隆二十八年吳一玖造以上三橋俱筱溪水經此入龍溪

二十一都

合溪橋 縣東四十里何石塔木橋長二十餘丈有渡船一隻橋頭有亭一座

浦暨橋 縣東五十里上宣木橋長二十餘丈道光年間捐造今有義渡一隻 上二橋浦陽江水經此

浦江縣志

卷之二

橋梁

三

龍門橋 縣東四十五里費裡塢水經此入江長二丈五尺廣一丈二尺光緒年間捐造

二十二都

羊角橋 縣東三十五里長二丈廣一丈乾隆三十八年徐宗信造

破橋 縣東三十五里長一丈六尺廣八尺乾隆三十八年邵士玉造

石金橋 縣東三十五里嵩溪村右長二丈四尺廣一丈乾隆二十八年徐德化造

利濟橋 縣東三十五里嵩溪村南長三丈四尺廣二丈乾隆二十五年建道光八年里人重建

太平橋 縣東三十五里嵩溪村口長三丈廣一丈乾隆三十八年徐宗信建道光甲辰里人重建橋上有亭

日望川

任村橋 縣東三十三里長二丈八尺廣八尺在嵩溪源口距孝門橋三里許咸豐甲寅張善房造光緒年

善大善亞兩房合修 上六橋 嵩溪源水所經至獨山入江

汀步橋 縣東四十里大田沿 長二丈四尺廣五尺

仁月橋 縣東四十里旌塢長二丈四尺廣七尺道光壬辰賈應彪妻何氏重修

拱翠橋 縣東四十里旌塢祠前長三丈廣一丈二尺合村建

甯遠橋 縣東四十里旌塢長四丈二尺廣一丈四尺乾隆辛巳年捐建

夏宅橋 縣東四十里

裡新橋 縣東四十里旌塢村南長三丈四尺廣一丈三尺光緒庚辰重建

永遠橋 縣東四十里賈保塢口長二丈廣七尺嘉慶庚申建

裏新橋 縣東三十五里內塢門前長三丈六尺濶一丈二尺光緒六年重修

外高橋 縣東三十五里橫溪長三丈六尺廣一丈

裡平橋 縣東三十五里橫溪長二丈九尺廣九尺

浦江縣志 卷之二 橋梁

永平橋 縣東三十三里橫溪長二丈四尺廣一丈尺乾隆三十四年造光緒八年重修

賈保塢口橋 縣東四十里長一丈六尺廣八尺即賈村橋以上諸旌塢源水經此入江

通州橋 縣東四十里官田莊西長三丈五尺廣九尺光緒癸巳賈志山等捐建

天宮橋 縣東四十里柴塢旌塢兩源水合流經此

天中寺橋 縣東四十里碧溪水經此長一丈四尺廣九尺

鮑橋 縣東四十里傳宅碧溪水經此長二丈五尺廣八尺乾隆三十九年修

新安橋 縣東四十里鷄冠巖水經此入江長一丈九尺廣九尺

惠濟橋 縣東三十五里即新橋頭浦陽江水經此舊有石橋毀于水乾隆末年二十都吳孝門橋張雨家合

造木橋十餘丈并有歲修田粵匪擾後木橋久壞光緒十八年吳姓公派下張姓因亞居公助產租錢不敷用派下景青薦清河三錫鏊等捐錢重造張吳二姓每年付守橋人錢拾肆仟以資看管

白馬橋 縣東四十五里下柳溪水經此入江長一丈七尺廣八尺乾隆四年僧滌凡募建

二十三都

麟溪橋 縣東二十五里元麓山水經此入江長二丈廣八尺乾隆四十年鄭敦素公修

崇義橋 縣東二十五里長二丈餘廣一丈

義門橋 縣東二十五里木橋長二十丈乾隆十八年重造 上二橋寺後源水經此入江

白麟溪橋 縣東二十五里元麓山水經此入江長六丈廣一丈乾隆四年修

旌孝橋 縣東二十五里木橋長六丈廣九尺

旌義橋 縣東二十五里木橋長六丈廣九尺

眉壽橋 縣東二十五里長六丈廣一丈乾隆五年修

通輿橋 縣東二十五里長三丈廣一丈乾隆五年修

浦江縣志 卷之二 三

義成橋 縣東三十里木橋長三十丈浦陽江水經此曹氏同婿嚴定臺修光緒十八年張時綸修

又有渡船張鞠堂造并捐田五畝以資歲修

永濟橋 木橋舊名甄村橋縣東三十里浦陽江水經此長二十餘丈義門鄭國錦造又有田助匪後田蕪橋

壤同治四年前黃陳鳳飛勸捐再造又造屋三間為藏橋版守橋之計并勸捐田畝以便歲修但橋每

被洪水所衝行人窘步葛村葛繼熟邀眾造渡船一隻以濟托陳鳳飛董理其事光緒六年捐造渡船又

屋五間合撐船人居住且為修船油船庶永濟

孝門橋 縣東三十里嵩溪水經此入江長三丈餘廣八尺相傳為顏孝子後門以浦江未置縣地屬烏傷也

國朝乾隆三十九年張以儒守熙重修

二十四都

杭口橋 縣北十五里舊志巖院山水所經橋北明世宗嘉靖中張元京建石梁 國朝順治中朱智亨募建

改名太平橋乾隆六年吳漣
等募捐重建長八丈廣八尺

二樓橋 縣北十五里大樓小樓二源水經此康熙五十七
年吳德謬募建長三丈廣五尺光緒二年洪水冲
壞三年吳聲治
聲誥等重建

登雲橋 縣北十五里長二十四丈廣一丈三丈
光緒十五年吳朝林張獅巖等募建

西橋 縣北三十五里大巖嶺
水經此長一丈廣四尺

後楊橋 縣北三十五里高唐嶺
水經此長二丈廣八尺

竹檻橋 縣北四十五里竹檻嶺脚壺源水經此
長二丈廣一丈同治十三年周爲日建

通濟橋 縣西三十二里長三丈廣一丈二尺道光
十年周仁廣募建同治三年周以蕙重修

惠政橋 縣西北十八里長十丈廣一丈東嶺源
水經此道光二十二年石姓捐建

仁壽橋 縣西北二十里截柘嶺高唐嶺水經此
長四丈廣一丈咸豐九年石福壽捐建

浦江縣志 卷之二 橋梁 三

德政橋 縣西北二十三里長五丈廣一丈五尺光緒三
年張獅巖募建 上三橋曹源水經此入湖源

如升橋 縣西北二十五里殿口長四丈廣
二丈咸豐八年殿口人捐造

永福橋 縣西北二十八里長三丈五尺廣一丈二尺道
光二年周爲本建光緒十五年周仁永重修

二十五都

古名鎮橋 縣北二十五里虞宅源水經此長
三丈廣一丈高山寺僧恒廣建

席場橋 縣北三十里壺溪水經此寶慶初毛日嚴建後重
修長十丈五尺廣一丈四尺宋林子燕記云聚席

場橋者幾百家山爲垣溪爲闕也溪沿羣山斗折蛇
行迢迢三里居民視廣狹編木以渡激輒壞退復作

安習苟簡久矣今天子踐極元年毛君日嚴捐帑廩
鳩匠石剡橋於往來之津長二十八丈廣一丈八尺

翼以闌楯鎮以魚虎計工四萬有奇越三年橋成氣
甚吞壓傑然驕龍卧虹浴滄溟跨碧落也或見之日

偉哉是郡邑所以迎軒蓋游士女者而獨以伴溪山
耶君笑曰此謂不一於汝而二於物也試爲子誦之

耶君笑曰此謂不一於汝而二於物也試爲子誦之

林薄幽深砂磧清淺卽其境桑麻肥焉撫而人樵牧
錯焉襍穢網罟芥其上薪樗藁藉藉其側狼狐猿狖
出馳入息雲飛霧靄朝暉暮幕當是時子爲橋惜恨
其不在於都邑間也驚濤怒漲熊鬪虎哮觸巉巖掠
斷岸依飛斂衽孟賁盛容而童孺羸老扶筇掉臂升
梁而浩歌臨流而思逝談黃龕之迴泐笑灑頰之險
怪當是時子爲橋喜又幸其在溪山間也夫橋一之
子二之子則易景而興感橋不擇地而售利吾能推
愛山溪之心而愛郡邑子復推愛郡邑之心而愛山
溪則幾矣余聞而高之曰君利人本其仁制事本其
勇不寶貨財本其廉能通人情本其恕本是四者可
以觀人矣寶慶丁亥清明記 薛志按橋梁卷席場
橋係宋寶慶初年建記中所云今天子踐極正理宗
寶慶元年也舊志訛作寶隆丁亥丁亥卽寶慶三年
正今改

永安橋 西溪口長三丈五尺濶一丈三尺

永濟橋 黃埭堰頭板橋長七丈二尺濶八尺靈巖公派下助

浦江縣志 卷之二 橋梁 毛

鎮東橋 茜溪朱宅祠前長九丈濶一丈三尺乾隆己丑靈巖公造

大王潭橋 縣北二十里截柘嶺水經此乾隆六年僧恒廣建薛志作二十四都

保元橋 縣北二十里金坑嶺北水經此入湖源長一丈二尺廣五尺光緒六年吳聲誥造

二十六都

駝背橋 縣北二十五里清溪水經此入湖源長二丈廣七尺

獅子橋 縣北二十五里長二丈廣六尺

獬豸橋 縣北三十五里長二丈廣七尺

府富橋 縣北三十五里長二丈廣八尺以上四橋清溪水經此入湖源

清溪口橋 縣北三十五里東西兩源水經此入湖源長二丈六尺廣六尺陳元靈造

興隆橋 縣北四十五里長一丈六尺廣九尺光緒十五年毛一功重建

會龍橋

縣北四十五里長二丈廣八尺陳興祥造

永安橋

縣北五十里白巖嶺水橋竹嶺南水經此入湖

逸山橋

縣北五十里寺

青龍橋

縣北五十里寺

亞咸橋

縣北四十八里長舉塢水經此入湖源

永鎮橋

縣北七十里大姑源水經此長四丈九

通濟橋

縣北四十里小姑源水經此長七

永樂橋

縣北三十五里小姑源水經此長四丈廣一丈

望祖橋

縣北三十里大小姑源水經此入湖

百歲橋

縣北三十五里白巖山前大小姑源水經此入湖

浦江縣志

卷之二

天

造以佩

同樂橋

縣北三十五里湖源水經此長二十五丈廣一丈

後圯咸豐年間黃

廣安橋

縣北四十里上河河源水經此嘉慶年間陳祖奎

謂此邦之人豈無一二好義而振作之者有之雖不

文樂為之載筆矣今之春仲余自西江歸而陳君祖

奎之子榮喬適以廣安橋記請其言曰裔家上河在

浦之北前臨大溪曰壺源源浚而溜激山潦驟至汪

洋恣肆木杠遇之輒去兩涘之間行人如蟻有窮途

之哭焉嘉慶己卯家君與族祖以佩等謀架石橋以

濟歲歛事中阻以佩乃去而建大姑溪口百歲橋道

途謂之曰遠方修路何如近處造橋家君曰然力薄

奈何兄有意弟當倡助出三百金授祖啓以佐其經

營工大而費不支又將中止家君遂身肩其事復同

族里諸君子遠近勸捐凡不足者俱自輸之共費金千數百餘兩而橋以成脩二十有六丈四廣一丈六尺崇三丈二尺闊崇二尺八寸為墩五為洞四皆以石甃南隄數十餘丈自經始迄落成閱月者一十有七計工二萬有奇題之曰廣安言利涉大川所安者廣也又建大慈廟於石橋頭為往來憩息之所鑄樂輸姓氏之碑於廟垂永久焉余曰善哉義舉也實盛事也西江之路有好義如此者民無病涉矣乃翁與諸君子為此橋不愛財不愛力吾豈敢愛吾文然余將亟行無能研都鍊京與是橋相不朽而廣安之功德無量無邊不可不紀也

鑑湖木橋 縣北五十里壺源水經此長二十餘丈廣四尺即汀步橋乾隆三十八年創造

鎮湖橋 縣北五十三里湖源水經此長三十丈餘道光二十九年里人捐造

黃檀坑口橋 縣北四十里黃檀水經此入湖源長一丈九尺廣九尺五寸

承先橋 縣北四十五里何塢源水經此入湖源長四尺五寸陳貽燕堂造光緒壬辰余壞癸巳

浦江縣志 卷之二 橋梁 无

陳時風 重建

廣濟橋 縣北四十里圭坑古寺口長六丈濶一丈八尺洶四丈八尺羅家宇家庭家本王有明毛為聚等

募建

圭坑口橋 縣北四十六里圭坑源水經此入壺溪長六丈五尺廣一丈二尺康熙丙子陳元仁修

明兩橋 縣北六十里黃綾源水經此入湖源長六丈廣丈餘乾隆間周學明造道光甲午余壞今造木橋

韋抗橋 縣北七十里羅家下首圭坑源水經此長四丈廣八尺五寸

二十七都

康濟橋 縣北六十里下毛店上首

盤溪木橋 縣北五十里

水口木橋 在盤溪村下

二十八都

冷塢橋 縣北五十里長一丈廣八尺

鎮羅橋 縣北五十里長一丈四尺廣八尺光緒癸巳年
鎮羅橋 縣北五十里長一丈廣八尺光緒癸巳年
鎮羅橋 縣北五十里長一丈廣八尺光緒癸巳年
鎮羅橋 縣北五十里長一丈廣八尺光緒癸巳年
鎮羅橋 縣北五十里長一丈廣八尺光緒癸巳年
鎮羅橋 縣北五十里長一丈廣八尺光緒癸巳年
鎮羅橋 縣北五十里長一丈廣八尺光緒癸巳年
鎮羅橋 縣北五十里長一丈廣八尺光緒癸巳年
鎮羅橋 縣北五十里長一丈廣八尺光緒癸巳年
鎮羅橋 縣北五十里長一丈廣八尺光緒癸巳年

佛堂店橋 縣北五十里長一丈廣八尺

三堡橋 縣北五十八里長二丈廣四尺

洞橋 縣北五十七里棲雲洞脚

高橋 縣北五十六里

中余橋 縣北六十里

方家橋 縣北六十三里長一丈五尺廣四尺

周公橋 縣東北六十六里長一丈廣六尺舊志迢遂山水所經
上七橋均喬竺嶺南水經此入壺源

浦江縣志 卷之二

三

寺塢橋 縣東北七十五里長一丈四尺廣八尺

賈村橋 縣北八十里長一丈六尺廣八尺唐塢人捐建

九堡橋 縣北八十里長二丈廣一丈光緒己丑冲壞今造木橋龍門山人造

界牌橋 縣北八十五里長一丈廣五尺上四橋均喬竺嶺北水經此入壺源

高橋 縣北八十里石門水經此宋孝宗淳熙中戴良緒建石門水在廿九都舊志誤

二十九都

西坂橋 縣北九十里

橫板橋 縣北九十里上二橋蘆頭源水經此

連塘橋 縣北九十里洋塘湖水經此入諸暨界

太平橋 縣北九十里洋塘湖百宅源水經此長二丈四尺濶八尺

新橋 縣北九十里長四丈廣五尺

萬安橋 縣北九十里長一丈四尺廣九尺

荷苞橋 縣北九十里長三丈四尺廣七尺同治三年張宏元董正法同造 上三橋蕪頭源洋塘湖水經此

石門橋 縣北一百里長二丈六尺

合溪橋 縣北一百里長一丈四尺光緒十五年陳春書等捐修

派溪木橋 縣北九十里長七丈廣四尺以上三橋均石門隴水經此

峽山橋 縣北九十里

鎮東橋 縣北九十里上二橋均喬竹嶺北水經此長二丈八尺廣六尺咸豐七年許公乾造

定安橋 縣北九十里長一丈八尺廣九尺道光二十一年費學豐造

順成橋 縣北九十里長一丈四尺廣八尺康熙戊戌年造

浦江縣志

卷之二

三

方口橋 縣北八十六里長一丈六尺廣七尺上三橋山和嶺水經此

孝義橋 縣北八十七里喬竹嶺北水經此長五丈六尺廣七尺咸豐九年費宏賢張宏元造

了溪木橋 縣北九十里洋塘蕪頭石門上河諸源水經此長十餘丈廣五尺

東橋 一名七松橋縣北九十里與三十都界金竹坑才經此入建溪長一丈八尺廣六尺乾隆己酉戴林造戴

殿泗記云乾隆己酉冬從叔樂清氏重建石橋於東坑是橋也在戴氏居宅西隅其溪源自九靈山右腋

蜿蜒曲折西南流以合於建溪橋在西而稱曰東從其舊也溯厥名稱知橋之由來遠矣昔李唐之未先

祖鎮撫公自杜陵來曰馬建里今之西宅是也故此橋曰馬建橋以宅視橋在其東方則又曰東橋汴宋

以來科第繼起皆居西宅元初十二世祖錫公始營居橋上於是東西二宅相為輝映其東則九靈山人

院使公之居也其西則黃州知府子迂公之第也明中葉以後西居漸替則移馬建里之名於溪東若不

知西宅之祖居也者獨是橋自唐迄今閱九百餘年而名不改知橋之田來遠即知戴氏之世德長由今

迨昔一舉足而動人水源木本之思矣先是橋圯於水或束板代之吾叔始易之以石鳩工命材堅緻鞏固可垂諸久遠往來者咸屬余詔之余考戴氏之先有堯民氏者世以積德濟人為務譜稱其修造橋梁至五十餘處吾叔敦篤之行冠於鄉閭好施之誠出於天性是橋特其一節也其殆承奕世之流風而興起者哉因推原先德而謹書之是為記光緒己丑年戴興蔚等重修

三十都

讓溪橋 縣北九十三里建溪水經此入湖源長四丈餘廣八尺有歲修義產

聚石巖下橋 縣北九十四里建溪水經此人湖源長四丈餘廣八尺光緒乙未倪光洪等捐造

小溪口木橋 縣北九十里小溪水經此入湖源長五丈餘廣五尺

鷹嘴灘義渡 縣北九十里壺源大溪水經此

以上諸橋木橋則標出餘皆石橋一都至五都十三

浦江縣志 卷之二

橋梁

三

都至二十三都水皆入諸暨六都至十二都水皆入

蘭谿二十四都至三十都水皆入富陽

續採

二都

高橋 縣西南十二里前吳門前裏溪水經此長二十一丈有奇上鋪木板道光二十五年丁未里人吳大典等

捐造

通濟橋 縣西十里下葛門前裏溪水經此長二十四丈有奇濶一丈六尺光緒乙未捐建

箬溪橋 縣西十二里后徐坂中箬溪源水經此長二丈有奇廣一丈前吳大典造

七都

普濟橋 長一丈八尺

雙溪橋 長二丈

干塢橋 長二丈

楊公橋 長二丈五尺

下馬橋 長二丈

成美橋 長二丈五尺

雙鳳朝陽橋 長二丈五尺

鎮溪橋 長三丈

鎮東古橋 長十丈

卧龍橋 長十三丈

飛斯橋 長十丈

浦江縣志

卷之二

橋梁

三

二十七都

水口橋 長二丈六尺濶一丈一尺周紹蘭造



